

الطبعة
الثانية

مدونة ابو عبدو



الاصنام

شادي احمد

المصري للبشر و النورع

شكرًا للمقولة الخالدة

«أغبي امرأة تستطيع أن تخدع أذكى رجل»

وبالمرّة..

«ستظل المرأة لغزًا مجهولًا.. في الوقت الذي يعتقد الرجل أنه قادر
على حله

حظًا أوفر في المرّة القادمة

إلى

من أحبها قلبي ومن تأخرت كثيرًا كتابة هذا الإهداء لها تأخر تأهل
مصر لكأس العالم..

وعلى طريقة أفلام الخواجة

P.S. I LOVE U

مع حبي واعتزازي..

٢٠١٣/١١/١٩

إلى

والذي الحاج أحمد إسماعيل

أنس بنداري، يوسف ناصف، هيثم حسن، عمرو الجندي، أحمد
مراد، علاء الأسواني، نزار قباني، يوسف زيدان، عمر طاهر، مرسي
جميل عزيز.. والي الفرصة السعيدة التي جمعتني ببيرم التونسي في حضرة
الست.. وكانت البداية..

المقدمة

لا أعرف حقيقة سبب كتابة المقدمات، فهي تذكرني باليوم الأول للدراسة، فالمدرسة تسألك عن اسمك وعمل والدك كل عام، وكأنها لا تعرفك، وهي التي تدرسك منذ أربع سنوات. ولكنها العادة، ونحن نحب العادات والتقاليد.. والغرض من المقدمة أني أقول لكم اتفضلوا.. ومن غير ما أطول عليكم..
اتفضلوا..

المدام

إذا كنت تعتقد أن الكتاب يتحدث عن الزوجات، بشكل خاص «المدام»، فأنت أصبت جزء من الحقيقة وليست الحقيقة؛ هذا أولاً. أما ثانياً، فهذا ليس كتاباً بالشكل المعتاد.. هذه مناقشة ثنائية بين طرفين، أولهم أنا وثانيهم أنت.. دردشة على هامش الأوضاع المهيبة والتأخر المجتمعي العام..

لفظ المدام، في بلدنا الواقع على ناصية القارة الأفريقية، هو لقب تأخذه أي فتاة بعد أن ترتبط بذكر، أيًا كانت صفاته وصورته وتكوينه. وقد يقول الولد طول عمره أنه لا يجب هذا اللفظ «المدام»، ولكنه سرعان ما يستخدمه في أول فرصة، لأنه نوعاً ما يعطيه شعوراً خفياً بامتلاك هذه الشخصية.. فالأكسبرشن بالنسبة للولد يعطيه نوعاً من الغموض حول هذه المدام (الجماعة في حديث آخر في منطقة أخرى)..

ولم يستدل بعد على من هو أول من قرر أن ينادي على من يجب، سواء زوجته أو صاحبه بلفظ مدام «جماعة»، ولكنه بالتأكيد ظهر مع ظهور المواصلات الجماعية والميكروياصات والمنتديات، وهو عموماً لفظ فصيل - كلنا نعلم ذلك، حتى من يقولونه أنفسهم - ولكن لهذا اللفظ أبعاداً داخلية مهمة، على جيل كامل بدأ من الثمانينات حتى هذه اللحظة.. فأنظر لذلك الحديث الودي بين ذكرين على قهوة «البورصة» في وسط البلد، تعقيماً على مكالمة هاتفية عفيفة..

- ألو يا حبيبي عامله إيه وحشتيني..

- أنا كويسة يا حبيبي.. حبيبي عايزة أطلب طلب منك.. ممكن؟

- إتفضلي يا حبيبي..

- عايزة أخرج مع واحدة صحبتي

- إيه! تخرجي مع واحدة صحبتك؟! لا يا حبيبي ماينفمش الوقت

اتأخر..

باباها هيوصلك.. كمان أبوها معاكو، لأ ماينفمش خالص، أبوها

ده مش ذكر يعني ممكن يبص عليك كده أو كده؟ وأنا بغير عليك، لأ

مينفمش

خليها في وقت تاني تكون متفقين من البداية..

- يا حبيبي أصل..

- خلاص ولا أصل ولا فصل الموضوع منتهي..

ويترك الموبيل إلى جانبه، وينظر إلى صديقه ويقول:

- لازم الواحد يكون شديد برضه؛ ولا إيه..؟

- مين إلى كلمك محدثش بالي؟ (مع العلم أن الشخص ده بيكون عادةً رامي ودنه من الصبح)..

- دي المدام..

- اههههههههههه قولتلي.. انت صح يا صاحبي..

طبيعي جدًا بعد هذا الحديث أن تكون هناك حالة من الشدة في ذكر الحبيبة، ما ينفعش مثلاً أن يخبره بعد هذا الحديث الذي برز فيه الجزء الذكوري غير المبرر، والذي يخرج غلاسة، لأن حمادة بتاع الشيشة لم يأت له بحجر تفاح على مزاجه.. فلزم أن يغلس على أحد، وعادةً ما يكون هذا الشخص حبيته..

فكيف يذكر اسمها بسهولة، ويقول له مثلاً: دي نانسي أو أمية أو ..؟ في تلك اللحظة سينكسر هذا التابووه الذي رسمه لنفسه، من الشدة والقفش.. ولا إيه؟؟؟..

الولد في مجتمعنا يجب أن يظهر تلك الشخصية القافشة على الأثنى في أي وقت من أوقات النهار.. كنوع من أنواع السيطرة، وكنوع من أنواع «هم البنات بيحبوا كده». لم تُظهر بعد الأبحاث العلمية في أي من جامعات العالم صحة هذا البحث الذي قام به باحثون مصريون، جلسوا على القهوة وحددوا ماذا تحب المرأة وماذا تكره في معاملة الذكر.. ولكن هذه الأطروحة البحثية انتشرت بين أولاد جيل الثمانينات، وطفحت في جيل التسعينات، واستمرت المعضلة.. لماذا يتوقع الولد أنه إذا قفش على البنات «أنها بتحب كده؟!»..

لماذا يتصور الذكر أنه إذا قال لا على أي حوار بينه وبين من يجب، أنها ستحبه أكثر، وأنها ستغرم به.. يمكن أن نقول أن أغلب البنات يعطين هذا الشعور للأولاد في مجتمعنا، لأنه لو لم يقم بواجب القفش اليومي، ستقول إنه لا يغير عليها أو أنه لا يجلبها من الأساس.. وهذا طبيعي، فهي لم تر إلا هذا الإسلوب في حياتها القصيرة في هذه البلدة المسماة مصر، فمن أين ستعلم إذا كانت هناك طريقة أخرى في المعاملة، إلا في الأفلام الأجنبية؟!..

تقريبًا أغلب البنات في مجتمعنا لم يعرفوا أن هناك شيئًا يسمى «ورد» إلا من خلال الأفلام الأجنبية. ولكن -ككل شيء- تتعامل البنت المصرية والعربية عمومًا مع الأفلام الأجنبية الرومانسية وكأنها أفلام خيال علمي، فلا تعطى أهمية كبيرة، فقط تشاهدها لتنام وتحلم بالبطل، وتستيقظ لتضع صورته «بروفایل بيكتشر» وهذا هو أكبر أمانيتها. سيقول البعض أنني أعالي في طرح الفكرة.. ولكن سأترك لك ولك خمس دقائق.. (فكر كويس ورد عليا.. ها فكرت؟ فكرت كويس؟.. أكمل ولا تحب تقول حاجة؟؟؟.. طيب نكمل بقى..). هناك حقيقة تقول أن أكثر الأفلام التي تجذب الفتيات هي الأفلام الرومانسية، وأغلب الكتب التي تحب البنت اقتنائها تتحدث عن الحب، ورنه موبيلها التي تضعها لحضرتك تكون من ألبوم إليسا أو نانسي في أغلب الأحيان. وأنت، ماذا تفعل؟.. تضع رنة الموبايل سارينة مطافي أو رنة موبايل عادية.. وكتعبير عن حبك لها تضع اسمها بيوووو أو بطة أو وزه.. أتعتقد أن هذا هو قمة رغبات البنت؟!!

البنت عادةً ما تهتم بأمور لا تأتي في عقل الولد.. فمثلًا، لاحظ معي أن البنت تحب أن تعرف الاسم الذي تطلقه عليها في الموبايل، وعادةً

ما نعدم بأسماء مثل «واحد صاحبي».. «الجماعة».. «اسمها عادي
«المر».. وقليل جدًا ما نجد «حبيتي» أو «بيبي». البنات تهتم جدًا بهذه
الأمور، ولذلك تقوم البنت عادةً بكتابة اسمها على موبيل حضرتك
بسمها، وتضع نغمة أيضًا، وتضع صورتها خلفية على موبيلك.. انت
نظر لكل هذه الأشياء على أنها (كمالة عدد) ولكنها بالنسبة لها هي العدد
أصلاً..

هناك أشياء كثيرة تريدها الفتاة من الولد، ولكنها بسيطة أو يمكن من
بها وبها بسيطة؛ ولكن من الصعب على الولد في مجتمعنا أن يفهمها، لأنه
لا يعرف إلا صورة سي السيد وأمينته، ويجب أن يلعب هذه الشخصية
التي تضيف إليه الكثير من الثبات والوقار وأشياء ليس لها أي ثلاثين
لازمة.. لأنه لم يستمع إلى أغنية الفنانة نانسي عجرم.. أجي بالحنية أنا
أنا أنا.. حتى آخر الأغنية. فالولد المصري يجب أكثر الاستماع إلى أغنية
الفنانة دنيا سمير غانم في أغنية ألبس اللي انت عايزه واخرج مع البنات
إلى نعيمهم وأمسح كل الناس من الفيس بوك وأفضالك وأجيب طبق مائة
.. حنة لحضرتك. الولد المصري يجب هذه الشخصية أكثر من الشخصية
التي ترسمها الفنانة نانسي، وشتان الفرق بين البنت اللبنانية والبنت
المصرية.. ويبقى السؤال الأسطوري، الذي لم نجد له إجابة في أي مكان
حتى الآن.

هي البنت عايزة إيه من الولد؟ نفسها في إيه يعني؟.. البنت ما بين
أجي بالحنية وما بين أنا من إيدك ده لإيدك ده..

البنات عايزين إيه؟

طبق ورد حشكلى..

فى فىلم «أحلل الأوقات» بطولة حنان ترك منة شلبى وهند صبرى..
«ربنه؟.. لأ.. مش مهم. كانت الزوجة، والتي تقوم بدورها هند
صبرى كزوجة مصرية تمنى أن يدخل عليها زوجها العزيز بباقة ورد
بلدى وليس كيلو كباب بلدى.. ولكنها لم تصل إلى ذلك البوكية طوال
امدات الفىلم.. وفى آخر الفىلم وعندما حصلت عليه أخيراً، انتهى
الفىلم بالفعل.. تصدق؟.. آه أصدق.. فىلم كامل كان حلم أحد أبطاله
بوكية ورد.. لن يكلف أى شىء أو سىكلف.. ولكن تخيل معى لو أن
وجهها أتى لها بهذا الورد من أول أحداث الفىلم.. على ما أعتقد كانت
سبتهى دور هند صبرى من الأساس فى أحداث الفىلم.. آه تخيل..

هذا الشىء البسىط قد يتطور ويكبر ويتشعب لمشكلات ليس لها حل،
مع العلم أن حله بسىط للغاية.. بوكية ورد بعشرين جنيه، يجعل حياتك

أسهل وأحسن ويشعر من تحب أنها لها قيمة.

ستقول لي أن المرأة هايفة في هذه الجزئية.. أحب أتعجب وأقول لك: انت أول مرة تعرف هذه المعلومة؟!.. ليس ذنب الفتاة البرينة أنك لا تعلم هذه المعلومة الخطيرة عن البنات.. عموماً دي مشكلتك وليست مشكلتها.

البنات يحبون تلك الأشياء الهايفة تصدق.. أيوه حاجات الأفلام التي يشاهدونها في السينما.. فالبطل يأتي ويقف أمام الباب، ويغطي وجهه بياقة الورد، ويرن جرس الباب، لتفتح له الأنثى الفاتنة، وتأخذ هذه الباقة من الورد الحمراء وتحتضن البطل، وتقول له إنها تحبه بجنون.

أنا معك أن الحل الأمثل أن نمنع الأفلام الأجنبية والمسلسلات التركي ونرتاح؛ ولكن ما باليد حيلة.

الفتيات تحب كيف استطاعت أن تقنعتك وأنت بكامل قواك النفسية والعصبية أن تقف وتنظر شهالاً ويميناً أمام محل الورد حتى لا يراك أحد أقاربك أو أصدقائك فيقول لك «يا حنين».. وتدخل المحل وتبتاع بعض الورد، وتسير في الشارع محاولاً إخفاء هذه الزهور، لتعطيها إياها في مشهد رومانسي بالغ التعقيد.. لتأخذ هي صورة لهذه الباقة، وتعمل «شير على الفيس بوك» وتقول أحلى هدية جاتي في حياتي. الموقف معقد، لأنك لا تفهم لما هي مهمة بهذه الباقة من الأساس.. انت تفكر دائماً في أن تأتي بشئ يستخدم ولا يستنفذ إلى العدم، فيتتهي بعدها بكام يوم في سلة المهملات.. أو في كتاب أو كشكول محاضرات. أما بالنسبة للبنات، فتكون في قمة سعادتها أنك اتنحرتت وقرمت بهذا العمل البطولي..

الورد والبنات طرفان، الولد ليس ثالثهما، لأنه لا يعرف حقاً ما أهمية

الورد من الأساس.. عمرك شفت ولد انبسط من باقة ورد جاءت هدية له في أي مناسبة؟.. حتى وإن كان عيد الفلاح.. ما فتكرش..

يجب أن تأخذ في اعتبارك أيضًا أن النساء ليسوا رجالًا (ويستهلوا)، لذا فإن ما يجونه يختلف كليًا عما تحبه حضرتك. فمثلًا أنت هرموناتك الذكورية لا تتأثر بذلك القالب الأسود الخام المسمى شوكولاتة، فأنت تأكل الشوكولاته كنوع من التغيير، أما النساء فالشوكولاتة لأغلبهم لمثل حياة؛ وليست مشكلة النساء أن حضرتك لا تشعر ما يشعرون به عند الاستلقاء للشوكولاتة في ليلة كثيبة -ربنا يبعد عنا تلك الليالي الكثيبة- لذلك فمن الطبيعي أن يقوم الولد من وقت لآخر بجلب قالب شوكولاته من الحجم الكبير، كنوع من التقدير المحبوب عند البنات..
«فيها حاجة دي؟»..

من الآخر، لا يجب أن يفكر الذكور في كل شيء تحبه المرأة بالعقل.. مننر بالإحساس، أو ما فتكرش خالص ونفذ في صمت.. انت تريد قلبها، إذا رتحتها.. بأشياء بسيطة.. ولا إيه؟؟؟

أنت تهبها لأنها من عجة.. وهي تهبك لأنك..

تجدها حسناء.. نحاول مرارًا وتكرارًا فتح أي معبر آمن للخروج، ولكنك تفضل. تفتح زجاجة حاجة ساقعة في عز الحر، وتقلب شمالًا ويمينًا في غطاء الحاجة الساقعة عن أي مكسب يذكر، بالذات بعد فشلك في الوصول إلى ما تريد.. ولكنك تفاجأ أنك ربحت شيئًا أكبر، وهو جملة «حاول مرة أخرى».. وتكون هذه هي علامة البدء، فالفرصة لم تذهب، وأنت قادر على العودة والمحاولة والاستماع إلى الكثير من الكلام، الذي لا يجب ذكر الغوريلا سماعه من أنثاه في وقت العصاري عند امتلاء حديقة الحيوان بالكثير من الموز.. ولكنك تريدها هي.. لذلك تستحمل..

«مراية الحب عامية» تقريبًا هذه هي الحقيقة الوحيدة الثابتة في البشرية،

ولكن على ما اعتقد أنه لا توجد مراية أصلاً في الحب، فالكثير من العلاقات لو نظرت لها من بعد، تتكاثر لا إرادياً علامات التعجب والاستفهام حول عقلك، تتكاثر بشكل هستيري، لدرجة تكون أنت معها عبارة عن علامة استفهام كبيرة.. (إيه اللي لم الشامي على المغربي؟).. أنت لا تعلم، ولا أنا، لأن تركيبة وكيمياء الحب ليست ككيمياء ثانوية عامة، ولكنها ككيمياء الشباب المدمن «ترمادول رباني».. أنت تحاول مرة أخرى، لعلك تكسب في هذه المرة.. أنت لا تعرف عما تبحث فيها، ولا ماذا تريد منها، ولكنك تجد نفسك فجأة في قمة الغلاسة، وتتأبك المشاعر الطفولية البريئة، التي تتأب طفلاً في دريم بارك.. تريد أن تلعب (وخلص)، تريد هذه الفتاة بأي شكل وبأي ثمن.. لا تفكر فيما بعد، عندما تصل ماذا ستفعل؟ ما هي الخطوة الثانية؟.. أنت لا تعرف ما هي الخطوة الثانية.

وعندما نصل لمرحلة أن من نريدها أصبحت هي أيضاً تريدنا بنفس القوة، لا نفهم أي شيء.. نقف متنحنين كالواقف في محطة مترو التحرير لأول مرة في حياته، كل البوابات ستخرج بالتأكيد، ولكن إلى أين؟.. أنت لا تعرف، لأنك لم تسأل، ولم ترد أن تسأل، فقط ركبت المتروووو من أول الخط.. اشرب يا عم أو لا تشرب.. هذا ما ستحدده أنت وهي. المشكلة التي تواجه معظم العلاقات بين الولد والبنت، عدم التخطيط لما بعد كلمة «بحبك».. ها هنعمل ايه؟؟؟؟.. أنت لا تعرف، وهي لا تعرف.. أو كل منكم يعرف جزء من الموضوع، ولا يريد أن يعرف الباقي.. لأن تكوين الولد مختلف بشكل أو بآخر عن الآخر.. هي تريدك زوج (كده وخلص) وأنت تريدها.....
.....
..... لا تعرف!!!! مع

مبن.. وكلمني واهتم بيا.. واسالني وغلس عليا.

هي تريدك في كل تفصييلة في حياتها.. البنت في مجتمعا تريد أن تكون كل حياتك.. تريدك أن تمضي لها على بياض، لأنها ترى الحب على بياض.. وأنت لا تريد منها سوى أن تحبك و(تدلعك).. وما بين الأولى والثانية خناقة كل يوم.. رغي كثير لن يتوقف إلا عندما يرضخ أحدكما للأخر، ويرفع أحدكما علما أبيض كبيرا في وسطه قلب أحمر، دليلا على أنه استسلم.. ولكن من منا يرفع الراية؟!

انت تريدها مزعجة.. وهي تريدك مزعج.. هذه هي علاقة الحب في مجتمعا. نحن لا نعرف من الحب إلا أنه إزعاج، لأننا لو لم نطلع عين بعض، سنتخيل أن العلاقة لا تسير بشكل صحيح.. هكذا رأينا علاقتنا الأسرية دائما، مشاكل وخناقات دورية ويومية، تنتهي بالتصالح وحب نصف ساعة، لنبحث عن خناقة مرة أخرى.

والمشكلات في علاقات الحب هي دينامو العلاقات العاطفية.. فأنت لو لم تسألك ستحس أنها (مش مهمة) فهي في الأساس لو لم تطلع عينك لتصل لها ما أحببتها كنت ستشعر أنها سهلة ونحن لا نحب السهولة، لأننا نشعر أن كل ما هو أوريجينال وأصلي يجب أن يكون صعب المنال، ولذلك نتعامل مع كل شيء بالوزن، فالساعة الصيني خفيفة والساعة الأصلية ثقيلة، والحب الأصلي فيه خناقات كثير وحب قليل. كل الأفلام تقوم الحبكة فيها على خناقة كبيرة بين الولد والبنت، فيقوم الولد بارتداء زي سوبر مان وإخراج البوكسر الأحمر، ويحارب الوحش فينول رضا الفتاة، وينتهي الفيلم بكلمة the end، ولو اكتمل الفيلم ستنشأ مشكلة جديدة، ومشكلة أخرى حتى يخرج البطل على المعاش، ويجلس ليحل الكلمات المتقاطعة.

فلذلك، لا تلم البنت أبدًا أنها ترزعجك بطلبات كثيرة ومواضيع أكثر، ولا تلم عليها إذا وجدتك تنظر إلى هيفاء وهي، فهي تخاف عليك منها، فقد تسرقك مع أنك أصلا لا تستطيع لفت نظر مها أحمد، فهي تراك أحمد عز، أو محمد رجب، أو مهند، وهي نور. انت وهي مسلسل تركي من ألف حلقة.. إما أن تتحمل، أو أن تستطيع تحويل المسلسل إلى مسلسل أمريكي، فيه البطلة تحب بلا أي هدف شخصي. وعلى ما أعتقد، أنك ستفشل بطريقة أو أخرى، لأنك تربيت على نفس الأسس التي تربت عليها البنت، ولكن تختلف طريقة تعبيرك. ولكنك في المحصلة تحب أن تطلع عينك، لتشعر أنك سوبر مان الخاص بها، وهي تريدك أن تشعر أنك سوبر مان، لأنها تحبك أنت. سوبر مان يطير، وله نظرة سابقة، وخريج جامعة مصرية، ومصاريف الزواج غالية، وتحكمات الأهل كثيرة، والبوكسر الأحمر مغسول لأن الحاجة الوالدة لم تعرف أنك ستخرج به كل يوم.. لذا، طير يا سوبر مان أو اجلس لتقاتل.. قلبي معاك!!!

هي السيد.. عليك حنين..

الحياة قاسية بشكل كبير، لذا فنحن نبحث دائمًا عن من نشاركهم تلك المسوة. نحن في حقيقة الأمر نتقاسم مع الآخر القسوة، فنشعر بالراحة.. عندما لا نجد من نشاركه، نظل نحمل بداخلنا الكثير من الألم.. وحتى المشكلات الصغيرة نسبيًا نراها كبيرة بالنسبة لنا..

تكبر البنت في مجتمعنا على كلمات كثير تتعلق بعلاقتها بالآخر، فمنذ نعومة أظافرها يقول لها الجميع «عيب ماينفعش ماتعمليش كده».. ويخبرونها دائمًا أن المخرج لكل هذه الأشياء هو الزواج.. «لما تروحي بيت جوزك اعلمي اللي عايزاه».. وبالرغم أن «اللي عايزاه» البنت بسيط، ولكنه دائمًا مرتبط ببيت الزوجية، مرتبط بذكر ما، يحقق لها كل ما تحلم به.. لذا فهي تنتظر كثيرًا.. تصوم تصوم، وفي أغلب الأحيان تفطر على بصلة.. والبصلة ليست الزوج أو الحبيب، ولكن البصلة هنا هي أحلامها

الواسعة لا تتحقق.. لأن الولد أيضا له أحلام مناقضة لما تريده الفتاة في أغلب الأحيان، لأنه تربي بشكل مختلف، وهو أنه عندما يتزوج يجب أن يتحول إلى سي السيد، فهو يجب تلك الشخصية (اللي فيها يشخط وينظر ويقول لها هاتيلي كوباية مية واعملي أكل ونظفي البيت وماتجادليش كثير وماتفكريش.. وماتتعبيش)..

لغة تشفير الرجل غير لغة تشفير الستات، فكل له شفرة مختلفة في مجتمعا. الأم التي تربي تنصح بنتها بسماع الكلام، وتنصح ابنها ألا يرضخ لزوجته في كل شئ.. من البداية يضع المجتمع سور الصين العظيم بين الزوجين/ الحبيبين/ المتصاحبين/ المختلفين في الهرمونات.. يضع سورا، أملا من المجتمع أن تكون هذه هي التركيبة الصحيحة والخلطة السرية التي تضمن بقاء البشرية، وتضمن عدم انقراض النوع. مع العلم أن النوع أصلا مش فارق إن انقرض ولا لأ، لأننا في الأصل منقرضون من زمان، والذين يعيشون الآن هم مستنسخون من أجيال سابقة، فنحن نعيش بأفكار قرن سابق من الزمان، ولا نريد أن نغير هذه الأفكار بسبب الخوف. فالولد الذي يناقش يبقى ليس له شخصية، والبنت التي تطلب قليلة الأدب.. والحل الأمثل للاستمرار هو أن نحيا بطريقة الآباء ﴿إِنَّا وَجَدْنَا آبَاءَنَا عَلَىٰ أُمَّةٍ وَإِنَّا عَلَىٰ آثَارِهِم مُّقْتَدُونَ﴾.. وكأننا نعبد أصنام العادات والتقاليد دون أن نفكر فيها إذا كانت صحيحة أم أنها مجرد اشتغالة..

عزيزي سي السيد، ليه ماتبقاش حنين.. هاااا.. ليه؟؟؟؟؟.. هل ترى أنك إذا أصبحت حنوناً ستصبح خبيثتها وشورتها.. ستكون خيال مائة.. هذه هي الفكرة المسيطرة، لا تنكر ذلك. أو انكر، فهذه ليست المشكلة.. كلنا ينكر كل شيء «برئ يا بيه..» وأنت حقاً برئ، لأنك لا تعلم كيف

كانت تظهر أن من يتعامل بحنية (مش راجل)..

تصدق.. وكأن الحنية سبة على جبين من يقوم بها.. لذا فالكل يتبرأ منها، حتى أن بعض الفتيات تفهم -إذا كان من مجبها حين- أنه غير مهم.. (إنه مش في دماغه) لماذا؟ لأن كل ما حولها يقول ذلك.. فلو أن الولد قال لها (إنت عايزة إيه يا حبيبي؟) فهو غير مسيطر.. فأنت وهي أمام طريقين.. إما الطريق السهل وهو الدارج، وإما الطريق الصعب والأكثر بقاءً، والذي لا يسير فيه إلا القليلون، وهو أن تكون حنوناً متفهماً ومستمعاً جيداً.. وفي هذه الحالة، فأنت من ستناول حبتها واحترامها، وستجعلها بسهولة خاتماً في إصبعك، وستصبح انت سلسلة في صدرها..

كيف تصبح حنوناً؟.. ليست هناك طريقة، فلكل شيخ طريقة، ولكن سأخبرك بالقليل، وعليك التفكير والإبداع.

الحنية أن تستمع إليها، ولكن استمع جيداً، وليس مجرد سماع والسلام.. استمع لها، حتى إن صدر سؤالاً منها وأخبرتك ما هو الحل، تجد الإجابة عندك دائماً..

أن تقوم بسؤالها عن طريق إدارة أموركم المشتركة معاً، فهي شريكة أيضاً في تلك الحياة، فمن الأولى أن تسألها هي ولا تتعب نفسك بالبحث عن إجابات من الأهل والأصدقاء، كن صريحاً معها واسألها ماذا تفكرين، ماذا تتمنين؟..

أن تكون بالنسبة لها صديقتها، فتأتي لتشتكي لك مما يشغل بالها، دون أن تشعر أنك ستستخدمه ضدها في موضوع آخر.. ونصيحة لا تستخدم ما تقوله في يوم من الأيام كسلاح مضاد، لأنها ستحتقرك بشدة.

كن لها صندوق المفاجآت واجعل أبسط الأشياء مفاجئها، كخروج
مثلا بشكل استثنائي دون أن تكون هي مستعدة.. أو حتى فاجئها بقالب
كبير من الشوكولاته..

خصص يوما في الأسبوع على مزاجها، كما تحبه هي، ولا تتدخل في
نفاصيله، واطهر بدور المستمتع فقط، حتى ولو كان بمشاهدة مسلسل
نركي، لا تعرف أوله من آخره..

لا تسألها مالك دائما، لأنها لا تعرف مالها في أغلب الأحيان، وراع أن
هرموناتها تتحكم بالأمر عادةً.

اكتب لها في ورقة أنك تحبها وضعها في أي مكان لا تراه، وأجعلها
نراها بالصدفة..

لا تخبرها دائما عما تكرهه فيها، فهي تعلم ما تكره فيها، فقط أخبرها
بما تحبه فيها..

ويمكن أن أسرد لك ١٠٠ طريقة في وقت آخر.. ولكن حتى هذه
اللحظة اكتب انت ١٠٠ طريقة خاصة بك.. وجرب أن تنفذها على
فترات متباعدة، ستجد أنك أصبت ما لا يمكن أن تصيبه بالطريقة
المعتادة، والمختومة بختم النسر..

هي لا تنطق، صم؟

المرأة بشكل أو بآخر شخص ناقص، شخص به الكثير من المتناقضات، هي تبحث عن نفسها كنصف يبحث عن كل .. هي نصف حالة، نصف حب، نصف حياة - كما قالت المبدعة أنغام والرائعة أصالة- .. ولكنها ليست ناقصة بالشكل الذي تفكر فيه أنت أو غيرك. المرأة شخص كامل، ولكن .. سيقول البعض أنني دوخته هل هي ناقصة أم كاملة أم أن الوضع متداخل بعض الشيء؟ .. طيب دعنا صديقي نبدأ الموضوع من الأول تاني..

المرأة شخص كامل كالرجل، فهي قادرة على العطاء الكامل، الحب الكامل، الحلم الكامل .. ولكنها ناقصة، لأنها تريد أن تكتمل بحب آخر، عشق آخر، حياة أخرى مع شخص متفاهم .. شخص يشعر أنه مكمل لها، دون أن يشعر أنه الأحسن أو الأكرم، أو أنه هو من يهب الحياة لها.

ولكن شخص يفهم أن ضعفها به هو، وأن قوتها معه هو وأنها تتكامل معه لتصبح أقوى.. ولكن حتى إن غاب هو، فهي قوية.. المشكلة في أن مجتمعا يخلق الصورة المنكسرة عن المرأة، وأنها يجب أن تظل في انتظار العريس أو الحب، حتى تصدق المرأة ذلك.. تصدق لدرجة تشعرك بالاشمزاز، ويصدق الرجل حتى يتصور أنه كل شيء، وعند ارتباطه بالبت تتحول كل تصرفاته إلى تلك الحالة التي تشعره أنه أقوى، وأنه دائما يستحق الأحسن والأفضل، فهو يهب لها الحياة، حتى لو كانت الحياة (زوي وشه).. المشكلة أن الوضع داخل المرأة يختلف تماما مع الوقت، فالمرأة تشعر أنها لا تخطئ أبدا، ولا تحب من يجادلها، وهي تسمع من الأذن الشمال، ويخرج الكلام بكل سلاسة من الأذن اليمين.. هل شعرت بذلك؟ هل توقعت أصلا أنها تفكر؟.. آه، نسيت، فأغلب من في مجتمعا يتوقعون أن المرأة ناقصة عقل ودين وكل حاجة.. ولكن بالعكس تماما، هي تعلم جيدا أنك مهما قلت سترجع في كلامك لما تفكر.. هي التجربة العملية تقول ذلك.. ولكنها لا تحب إحراجك..

المرأة نسمع كثيرا، وتشارك كثيرا الأخباريات في تفاصيل غاية في الدقة، على عكس الرجل. لذا، فهي تعرف أن ما تقوله غلط، ولكن لا داعي لوجع الدماغ، فالرجل لا يستمع، وهي تحب الدور المرسوم لها بأنها لا تفكر.. فهو يعطيها درجة من الحرية في الخطأ.. فلن يعاتبها أحد، فهي قليلة خبرة.. ولا إيه...؟؟؟

أما الرجل، فهو الفاهم في كل حاجة، صاحب التجربة الكبيرة التي يجمعها عادة من علاقاته على القهاوي.. أو حتى إن كان صاحب تجربة فتجربته قاصرة لأن الرجال في الأغلب عندهم (عزة نفس) كبيرة فلا يستمعون للنصيحة لأنهم رجال!.. آه والله!

أما النساء، فيستمعن لكل التجارب بشغف، فهن يبحين التفاصيل (زي عينيهم).. عمرك مثلا سمعت عن رجل ذهب إلى فرح، وافتكروا كل أهل العروسة لابسين إيه؟!.. ومين اتصرف التصرف الفلاني، ومين رمى بعض الكلمات على العريس من أهل العروسة على الطرابيزة التي مررنا بها بالصدفة، وكم صنف كان في البوفيه، وأخت العروسة جابت الفستان من المحل الفلاني، ولكن بنت خالتها اختارت محلا أرخص ولكن فستانها طلع أحلى.. الرجال لا يهتمون، والنساء لا ينسون.. هذه هي المشكلة!!!

لنبدا الكلام بجدة، الستات مبيغلطووش، لأنهم -وبطريقة ما- بوجهون الأحداث للطريق الذي يناسبهن دون كلام كثير.. فقط الزن على الودان أمر من السحر.. والرجال ينسون سريعاً، وما يظل عالقا في عقولهم القليل.. لذا فالمحصلة والغلبة لمن لا ينسون، وهنّ النساء. الراء تقول إن المحل الفلاني أحسن، بينما الرجل لا يهتم ويختار محلا آخر، فيتحمل فاتورة أخطائه، والمرأة تعيش على هذه الفاتورة. فالقصة لا تنتهي باختيار خاطئ واحد، ولكن تستمر هذه التجارب، حتى تصل لطريق يسلم فيه الرجل المفتاح للمرأة، ولكن بشكل يريد فيه أن يحافظ على أنه صاحب التحكم، والمرأة لا تريد أكثر من ذلك. فبطبيعة الحال نحب المرأة أن تكون في الخلفية، لا يهمنها كثيراً أن يقال إنها صاحبة شخصية قوية وأنها المتحكمة، فهذه الأشياء تشكل عبئا عليها في الدفاع المستمر عما تريده وما يريد هو، ليس شيئا واحدا، فهما مختلفان، وهو الرجل في النهاية.. الأجدر دائما أن يفهم الرجل أن امرأته تعلم كثيرا، ليستفيد سريعاً من هذه النقطة، ولا يترك نفسه لمهاترات تقتضي الرضوخ مع الزمن. التجارب كلها تؤدي إلى نفس الوضعية، إذا كنت في مكان ما

اسألها عن الأفضل، فهي شاهدت الأفضل في التلفزيون أو قرأت عنه في مجلة أو استمعت لصديقتها فأخبرتها أنه أحسن. أما إذا فضلت أن تختار أنت، فتحمل أن تندم وتسمع الكثير عن فن الاختيارات، وأنت لو استمعت لها لكنت وفرت كثيرًا.. المرأة مثل موظف البنك، يخبرك بعروض كثيرة، وتهتم انت بالقليل فتخسر، وعندما تجربه أنك خسرت يقول لك هذا اختيارك، ويضحك ضحكة خبيثة.. وتصبح انت بعد ذلك أسيرًا لاختياراته.. هي أيضا كموظف خدمة العملاء، عندها حلول لما تريد، ولكن إذا لم تفتح دماغك معها، ستقول لك قدم شكوى أو انتظر الحل خلال فترة صغيرة؛ تقريبًا شهر!!!!

إذا كل ما سبق يأخذنا للبداية.. المرأة ليست ناقصة، ولكنها تحب أن تجعلك انت في المقدمة، لذا لا تشغل بالك بكيف تصل للمقدمة قدر انشغالك في الاستماع لها، هي ستأخذك بسهولة.. الكثير يقول إن الاستماع للمرأة يخرج من الجنة.. هذا حقيقي، ولكن لنقف قليلاً عند هذه الفكرة.. هل نحن الآن في الجنة؟ نحن على الأرض، والمعطيات مختلفة، والقاعدة السائدة تقول إنك لو نشفت رأسك ستسمع الكثير من اللوم المصاحب دائمًا لتكرار الخطأ، فهي لا تنسى.. فالمطعم السيئ الذي أخذتها إليه سيظل يذكر لك مع كل وجبة أخرى سيئة أم جيدة أم ممتازة.. لذا اجعلها تعد الطعام وابتسم لها، ولا تجعل الأمور كما لو أنك متضرر، لتأخذ فترة أن تصبح انت تلومها، ولكنك لا تريد... ستحبك أكثر، وستصمت، وستكون انت في حال أحسن.. هي لا تخطئ؟؟؟

هو يهيك.. أحبيه..

هو يحبك.. أحبيه.

دائمًا ما تشنكي المرأة على مر العصور من أول سِتِّنا حواء، لآخر فتاة في هذا الكوكب اللطيف من الرجل: لأنه مقصر، ولا يعطي المرأة حقوقها، وأنه فقط يأمر ويتأمر، ويطلب الكثير ويعطي القليل.. أنه طفل بيزعل على طول، ولا يتحمل ولا كلمة من المرأة التي يحبها.. أنه ظالم ومتعالٍ برجولته.. أن الرجال كلهم سواء، الخيانة في دمهم، وأنهم لا يشكرون ربنا على اللي عندهم وينظرون دائمًا لبرة.. أن الرجل لا ينفذ أي شيء من متطلبات المرأة البسيطة، والتي لا يستوعبها أي رجل.. الرجل هو الشيطان الذي لا يحمد ربنا على النعمة، وهو الذي لا يكثرث لما تريده حبيبته، وفي أول فرصة يهرب منها، ويهرب من المشكلات، فهو لا يتحمل المسئولية، فهو مستقبل لا يعطي ولا يستنفذ من العدم..

التي مرت بالكثير، فكان هو المضحى بكل شيء لأجل عيونها، ولم ينتظر أي شيء.. هو فقط يضحى، ليه مش عارف.. فهي طوال المسلسل تعامله معاملة غير آدمية أصلاً، ولكن مبررها أنها محطمة، وهو يجب أن يدفع الثمن كاملاً، ويجب أن يعذب في ٢٣٠ حلقة على جزئين، ويسف تراب الأرض كي يصبح رمز الرجولة، وكأن الرجل كائن خلق ليطلع عين أهله!..

المشكلة أن أغلب النساء لا تصدقن أن المستحيلات أربعة: طائر العنقاء/ وأن الزمالك ياخذ الدوري/ ومصر تطلع كأس العالم/ ويكون هناك ولد كامل حلو وشيك وغني ورومانسي وفاضي ولا يتدمر ولا ينظر إلى صافيناز ويعجب بها كرجل بل يجب أن يقوم ليأتي بها في بطنه عندما يراها ليثبت أنها تقرف..

المشكلة مرة ثانية وثالثة ورابعة في مجتمعنا، أن الستات عايزين مهند، والرجالة عايزين صافيناز.. ولكن لا هو بيلاقى، ولا هي بتلاقي..

الحل الوحيد للوصول لنقطة وسط.. أن نختار بالعقل، ونحب بالراحة، وأن نعلم بهدوء حدود طموحنا فيمن نحب..

الرجل هو ابن هذا المجتمع، وجد على هذه الأرض هو أيضاً له تطلعات، وله مشكلات تجعله في كثير من الأوقات لا يقدم الكثير، لأنه لا يملك الكثير أصلاً..

فهو عندما يقرر أن يحب، لا يريد أن يلعب بأي بنت، ولكنه فجأة يجد نفسه محاطاً بقرارات كثيرة، تأخذه لطريق هو لا يعرف أين آخره أصلاً.. هنا تكون المرأة في حاجة لمن يقدم لها ما تريد، لأنها لا تحصل على ما تريد في بيت أهلها.. ولكن ماذا يفعل هو؟!..

الرجل يوضع في مجتمع يرمي عليه أعباء كونه رجل.. فالشاب عندما يريد أن يتزوج يصبح مطالباً بالكثير الذي لا يملكه عادةً، فيطلب من أهله، وأهله في هذه الحالة هم الذين يقررون.. إذا هو ليس المقرر.. إذا هو بالنسبة لك ليس رجل.. صح؟؟؟

.. لا غلط، هو حاول أن يتحكم، ولكنه لا يملك الكثير ليكون هو الأمر النهائي صاحب القرار الأول والآخر..

سيقول البعض أن المشكلة لا تنصب على هذه النقطة في الأساس، ولكن أين الاحتواء؟.. الاحتواء والحب والاهتمام أشياء متبادلة، فهو ليس مصنع حنية وأنت لستِ مستقبل فقط لهذه الحنية، فلكل فعل رد فعل.. يمكن انت لا تستطيعين أن تكوني حواء الخاصة به، ولكنه مكسوف يقول حتى لا يجرحك.. إذا فهو يضحى ولكن بطريقته.. يضحى بالاستمرار في العلاقة..

قد لا يعجب البنات بهذا المقال.. ولكن هكذا تكون الموضوعات المتعلقة بالرجل، فالبنات عادةً يحببن أن يكنَّ مظلومات، لأن التاريخ فيه الكثير من خيانات الرجال.. ولكنهن يغفلن أنه أيضًا يمتلئ بالكثير من قصص عشق الرجال.. فنزار قباني الذي يقول «هل عندك شك أنك أحلى وأغلى امرأة في الدنيا» رجل، ومن تغنى بهذه الكلمات رجل أيضًا.. فالعشق في الأصل رجل.. حواء أخرجتنا إلى الأرض، ولكننا لم نتذمر بقدر تذمر النساء أن الرجل نسي عيد ميلادهما، والذي يمكن أن يكون نسيه لأنه يعمل ويجتهد ليصبح لها، ولكنه يغفر لها نسيان أي عيد له، لأنه هو وبعد فتره لا يتذكر عيد ميلاده، إلا عندما يجبره الفيس بوك أن عيد ميلاده قد اقترب. الرجال والنساء مثل قطع المكعبات، تتشارك في أنها متكامل، لتصبح شيئاً ما.. ولكنهم يختلفون في الشكل والمضمون..

يجب أن تكون النساء أكثر حكمة مع من تحب، وأن يخترن ما يناسبهن ليس من يأتي إلى البيت أو يطلب رقم التليفون. فالموضوع مثل شراء البطيخ، طالما لم تأخذه على السكينة وتؤكد أنها حمراء من الداخل، فلا تشتري سمك في المياه، وترجمي تنديين حظك في قعدة نسائية، أن الرجال لا يفهمون ولا يقدرّون، فأنت ترين نفسك إلسا وهو يراك هندا صبري، وهناك اختلاف في السرعات سيدي الرئيس. فلا تضعي نفسك في هذه الحسبة، فلو لم تشعر بالراحة، لا تكلمي ولا تتعبي نفسك، وإن وجدت من يحبك أحبيه.. وإن فشلت فهو ليس مذنباً، فهو أيضاً له احتياجات، ربما لم يجدها فيك.. فالموضوع (باكيدج) لا يجوز أن يعجبك شكله ولكن لا تحيين طباعه، فتكلمي أملاً في أن يتغير.. فلا أحد يتغير.

المشكلة الحقيقة أن أغلب البنات تتوقع أنها لو تغيرت ظاهرياً، فهي مضحية.. لو مسحت أصدقاءها من الفيس بوك، فهي تغيرت من أجله.. لو أنها تبعث له مسج عندما تنتقل من الصلاة إلى غرفة النوم، فهي مضحية..

ثانية كده دا يتسمى إيه؟؟؟؟؟؟

هذا يسمى سطحية منك أنت..

أنا لا أدافع عن الرجل لأنني رجل، ولا أدافع عن النساء لأنهن مقهورات؛ أنا أدافع فقط عن المنطق في العلاقة بين هذين القطبين المتناقضين.. أدافع عن أن نكون أسوياء من داخلنا، فلا يأتي أي طرف على الآخر.. مع العلم أنني أكره مسك العصا من المنتصف.. ولكن إذا وجدت من يحبك أحبيه ولا تدمري كثيراً، فهو ليس مصباح علاء الدين، ولا هو مضطر أن يمتلك كل الحلول ليصبح رجلاً كاملاً في نظرك.

اسمعني شكراً

يقول الفلاسفة أن المرأة تتكلم كثيراً، ولكنها تحفظ نصف الأسرار التي تعرفها. ولكن أين يذهب النصف الآخر؟؟! لا أعلم حقيقةً، ولكنني أعلم جيداً أن هذه العادة أصبحت ملتصقة جداً بالمرأة منذ بداية الخليقة، حتى أنها إذا لم تكن من محبي الثرثرة، فهي بداخلها بشكل أو بآخر.

أما على الجانب الآخر من الآية، فالرجل عادةً لا يحب الثرثرة - في الأغلب يعني - ولكل قاعدة شواذ طبعاً، ولكن طبيعة الرجل لا تأتي كما تشتهي المرأة، فالرجل يجب أن يسمع الموضوع من الآخر، والمرأة تحب أن تحكي الموضوع منذ نشأة الخلق، فلكل شيء بداية، ولكن الرجال في أغلب الأوقات يجب أن يستمع للموضوع من آخره... بمعنى آخر انجزني وخلصيني..

وفي أحسن الحالات، عندما يستمع الرجل، فإنه يجب أن يفرد عضلاته الفكرية، ليجد حلاً مقنعاً للفتاة.. فيبدأ في محاولة نقل الحالة من الاستماع للرغبي وإيجاد حلول، حتى لو لم تطلب المرأة.

الرجل بطبيعته لا يفهم معنى للكلام بلا رغبة في إيجاد حلول أو توجيهات.. فهو معجب بطبيعة الحال بنفسه. والمرأة في أغلب الأحيان تعطيه هذا الشعور، بأن له آراء سديدة في كل المواضيع.. هكذا تبدأ الأمور دائماً.

البت عندما تتعرف بحبيبتها المستقبلي، دائماً ما تحب أن تستمع لأرائه الفذة في جميع الأمور الكونية، حتى لو كان هذا الأمر بخصوص إطلاق كوريا قمر استطلاع يدور في مدار درب أبو لبانة - هي ترى اسم المجرة بهذه الطريقة، أما هو فيراه درب أبو جلمبو -، فيبدأ هو بسرد وجهة نظره بشكل يحمل الكثير والكثير من الفتى المنمق والعلمي، حتى وإن لم يسأل هل هي تقصد كوريا الشمالية أم الجنوبية، لأنه في أغلب الظن لا يعرف أين هما على الخريطة.. هي بدأت اللعبة، وهو إستحلاها.. لماذا إذاً تبكي أنه لا يستمع إليها؟!

المرأة تحب الكلام، لأنها تفكر أكثر كثيراً من الرجل. فالمرأة طول عمرها بتعمل ١٠٠ حاجة في نفس واحد. ففي الوقت الذي يستيقظ الرجل صباحاً ليغسل وجهه ويرتدي ملابسه في ١٠ دقائق، هي تفكر ماذا سترتدي من ملابس تناسب اللون، وتفكر في ماذا ارتدت بالأمس، وما هي خطتها لهذا اليوم، وأي حقيبة يد ستحملها لتتناسب مع ما ترتديه.. ثم تفكر في آخر تليفون لصديقتها، وهل كان بينهما أي اتصالات بخصوص أي موضوع.. ها.. تعبتم تعبتم خلاص؟.. هي لسه ماتعبتس، وفي عندها الكثير من الأمور التي تدور في عقلها..

و لكن في هذه الأوقات، يكون الرجل قد نزل من منزله متجهًا إلى الجامعة، بينما هي ما زالت محتارة في لون الطرحة وفي طريقة ارتدائها..

وهنا يتضح بسهولة أن البنت عندها من المواضيع الكثير، أما الولد فلا يمتلك إلا القليل من الاهتمامات.. فعندما تذهب المرأة لمحل ملابس، تشتري أي شيء، فعقلها يأتي فيه الكثير والكثير من قطع الملابس التي ستناسب مع هذه القطعة. والرجل يشتري قميصا في خمس دقائق، معتبرًا أنه تعب جدا في هذه الرحلة الشاقة!

إذا فهناك فرق في السرعات يا فندم.. فالمرأة تمتلك الكثير لتحكيه عن ملايين من الأشياء التي تدور بعقلها، أما الرجل فعقله يفكر في أشياء ثابتة بالوراثة..

فالولد يتخرج، يبحث عن وظيفة، يشتغل، يفكر في الزواج، يتزوج وتنتهي الحياة. مع إضافة بعض التعديلات، تبعًا للمتغيرات الطبيعية لحياة كل أنسان..

و على الصعيد الآخر، نجد أن المرأة تتحدث كثيرا، لأن عقلها مليء بالرغي في مواضيع كثيرة متشابكة ومعقدة، قد تظهر هايفة لكثرتها، ولأن الرجل عندما يستمع أن صديقتها طلقت من زوجها، لأن زوجها كان يخونها، يكون الموضوع بالنسبة له غير مهم بالمره، بينما يكون بالنسبة لها الدنيا.. وهيبقى في مرحلة ما أم الدنيا.. فالرجل ببساطة ينظر للموضوع على أنه أمر شخصي لا يعنيه ولا يعنيه.. بينما هي تبحث عن الأمان في إجابات منه، تبحث عن قول صريح يؤكد لها أن هذا من المستحيل أن يحدث في حالتها.

فمثلا، تجد في مثل هذه الحالة عقل الرجل يفكر بطريقة تحليلية فذة،

فيبدأ في تحليل أن القمر والشمس وعوامل كونية كانت هي سبب فشل العلاقة، ويقول لها لا تتكلمي مرة أخرى مع صديقتك، على طريقة عادل أمام في فيلم خلي بالك من جيرانك.. فلبلة كانت تحاول أن تملأ الفراغ في حياتها، لأن زوجها أو حبيبها أيا كان التعريف مشغول. أما هو، كانت كل حلولة أن تتوقف عن الحديث والتعامل مع جيرانها، وكان الموضوع سيتوقف عند هذه النقطة!. المرأة عندما تتحدث لن تتوقف على ما تسمعه من أقرانها وصديقاتها، حتى عندما تسمع لمقوله حب في مسلسل تركي في التلفزيون، تبدأ في التفكير بشكل تلقائي في سؤال صريح: بنحبي يا حسام؟؟ مين حسام؟! مش مشكلة، فلكل أنثى «حسام» تريد أن تسمع منه هل يحبها؟.. هي تعلم أنه يحبها، وهو يعلم ذلك، ولكنه ينظر للسؤال بطريقة أخرى.. ينظر له على أنه فضاء، وأنها لو وجدت ما يشغلها لن تسأل مثل هذه الأسئلة المحرجة، أو أنها لن تسأل أصلا، فيجيب عادة: آه طبعاً أمال التجوزتك ليه او ارتبطت بيكي ليه.. ولا يعطيها الرد المقنع، فتفكر أنه كف عن حبها، فتقلق أكثر، فتبدأ في أسئلة أصعب عن ماهية الحب؟ وعن أسباب فشل الحب على هذه الأرض؟ وهل له علاقات أخرى؟ وهل الفتاة التي قابلوها وابتسمت لرجلها له علاقة بها، أم أنها مجرد ابتسامة عابرة؟.. وتبدأ في إقناع نفسها أنها مجرد ابتسامة عابرة.. وما بين كده او كده مش مرتاحة هي.. على رأي منير..

شوف يا مؤمن الموضوع ابتداء بسؤال عابر، ليتهاي بأسئلة ليس لها نهاية، وأنت جالس بجانبها تقلب في التلفزيون أو تسمع لها وأنت تقلب في الفيس بوك.. وتحتاج حينها إلى أن تعطيتها بحثاً علمياً نافعاً، يؤكد أن القلب ما هو إلا عضلة لضخ الدماء، وليس له علاقة بالحب.. من البداية الموضوع كان ممكن يتتهاي بكلمة: آه بـ حـ بـ كـ يـ ا حـ بـ د بـ تـ سـ يـ ..

شفت الموضوع سهل إزاي؟ انت إلى بتجيب وجع الدماغ لنفسك..
وانتِ كمان، دي أسئلة بدمتك؟؟

المرأة تصل في معظم الأحيان لمرحلة أنها تريد رفع لافتة وتكتب عليها «اسمعي شكراً» دون أن تتكلم، دون أن تبهرني بذكورتك المفرطة في تحليل الأسئلة البسيطة.. ريجني بكلمة أديك عنيا.. ولكن هذه سنة الحياة، فالرجل يعرف جيداً أنها لن تتوقف عند الأسئلة، فيحاول أن يفلق هذا الباب من أوله، ولكنه يفتحه على مصراعيه.. عادل إمام بجلالة قدره لم يستطع أن يجعل لبلبة تكف عن علاقاتها وأسئلتها الكثيرة ومحاولاتها في جذب انتباهه، وهو يفكر من داخله: هو إحنا مش ارتبطنا خلاص اتجوزنا؟؟؟.. يبقى أكيد بحبك..

حقيقة الأمر أنها فقط تريد أن تسمعها، وأنت تريد أن تجعلها «ميووت» لأنك متعب، فهي تزيد من أسئلتها وكلامها.. اسمعها شكراً

كيف تقنعها أنك تدبها..

دائما ما تسري إشاعة أن لكل امرأة كتالوج خاص، وأن لكل الرجال كتالوج واحد، يوجد في أي مكتبة ب ٢ جنيه.. كما أنه يكتب عن المرأة كتبا كثيرة ليفهم الجميع كيف يتعامل معها، أما الرجال فيكتب لهم صفحة واحدة، لأن الرجال بطبعهم لهم نفس التطلعات في أغلب الأحيان. أحب أن أقول لك إن هذه ليست إشاعة بالمرّة، فهي حقيقة يعلمها الجميع.. لكل امرأة عقل مختلف تمامًا عن غيرها.. ولكنهن يجتمعن في بعض الأشياء التي لا خلاف عليها بالنسبة لأغلبهن.. تحب نشوف؟.. تعالي نشوف..

- الحنية:

لا تتوقف امرأة عن طلب الحنية ممن تحب، فأبي امرأة مثل قطعة الشوكولاته، تذوب عندما يلمسها من تحب، تذوب عندما يقول لها

كلمة عذبة، تداعبها وتداعب تطلعاتها فيمن تحب، تلامس قلبها على نار هادئة «بس إوعى تقلب على تامر حسني».

-هي الأجل:

حتى ولم تكن هي الأجل، تحب المرأة أن تسمع كلمات عن جمالها، حتى وإن كانت تعلم أنها ليست ملكة جمال، ولكنها تعلم أن بها شيئاً يستحق الثناء، فعيونها ليست كعيون غيرها، قلبها أبيض، رموشها ثقيلة، ظريفة تحب مجالستها.. المرأة تحب أن تسمع أنها جميلة في عيون من تحب.. من الآخر سلك أمورك.

- لا تنظر إلى غيرها:

قد تتحمل المرأة أي شيء، إلا أن تنظر إلى غيرها وأنت معها. اجعلها فقط هي من تملأ المكان، هي التي تستحق نظراتك وليس غيرها، حتى لو مرت صافيناز ذات نفسها، لا تنظر لها يمكنك أن تخطف نظره دون أن تلاحظك.

- ماخرجهاش:

المرأة لا تتحمل أن يخرجها أحد أمام أي شخص آخر، فهي لا تنسى بسهولة الإهانة، ولا تنسى إن قام أحد بجرحها، حتى ولو لم يقصد ذلك.. لذا فإن سألك أحد على أي شيء في حضورها وانطلقت في الكلام سيها براحتها حتى لو كانت مخطئة «إكسب نفسك وسيب غيرك يتدبس مش هتستفيد حاجة لما تصحح لغيرك معلومة صدقني إكسب نفسك».

- ادبها وضعها:

المرأة بطبيعة الحال تحب أن يكون لها وضع ما في حياة من تحب، أيا كان هذا الوضع.. فهي تحب أن يكون لها مسمى واضح، ومكان ظاهر في العلاقة، فهي تعودت على أن ترى الأمور من هذه الزاوية، لذا اعتبرها أباجورة في حياتك، بتنور ليك في الضلمة، ويمكن بضغطة زر تقفلها.. بس اوعى تسيبها منورة كثير لا تتحرق، وفي الأغلب هتتحول لشمعة..

- كن لها مهند:

لا أحد ينكر أثر المسلسلات التركية على بنات هذا الجيل، فكل البنات يتوقعن أن ينلن الحب الذي نالته نور، هذه الفتاة التي لا تمتاز بأي مقومات جمالية تذكر، لذا فهي دائماً تنتظر الأكثر، لأنها ترى نفسها أكثر بالنسبة للأخت نور، لذا لا مانع من مشاهدة بعض حلقات المسلسل، مش هتفهم حاجة اقلل المسلسل بلاش كلام فارغ.. مهند مين بس!

- قل لها كلام حلو:

البنات عموماً بتحب تسمع كلام حلو، في أي وقت، ولأي سبب، وعلشان كده سمعها كلام حلو.. اكتب لها شعر.. قل لها إنها نور عينك.. ما انت مش بتكذب؛ ولا إيه؟؟.. وحتى لو مالكش نفس، الكلمة الطيبة صدقة يا شيخ

- افتح لها قلبك:

ما فيش أحزن عليك من قلب بيحبك، لما تتزق محدش هيفهمك قد ما اللي بتحبها هتفهمك، وعلشان كده ماتبخلش على نفسك ولا عليها إنك تقول لها على اللي في نفسك، على كل اللي بيدور جواك.. بس نصيحة، اوعى يكون للكلام ده أي علاقة بموضوع جوازكم من قريب أو بعيد،

سواء أتجوزتم أو لسه هتتجوزوا، ساعتها الموضوع بيتحول لقلق فوق دماغك شخصياً، فنصيحة ماتفتحش قلبك قوي.. واربه بس..

- اسمع كلمها:

المرأة تحب أن يستمع لها الرجل بإنصات، وأن يناقشها في وجهة نظرها التي تتعلق بحياتها، كن كذلك يا صديقي، وطلع من الناحية الثانية. بس أهم حاجة إنك تسمعها، لأنك لو ماسمعتهاش مرة، هتهمك بأنك السبب في تفجير برج التجارة العالمي وكل الكوارث،

اسمع من هنا وخرج من هنا.

- ما تضحكش عليها:

والقصد هنا إنها لو غلطت او عى تضحك عليها أو تتريق على طريقته في أي حاجة، لأن درجة تركيزك نصفتك مرة، هي بقى هتركز معاك ١٠٠ مرة.. وكل ما هتعمل حاجة مش هتسيها لك نعدي.. نصيحة مني: حظ حدود بينكم في التعامل..

- جيلها هدية:

نصحتك هذه النصيحة من قبل، ولكن نسيت أقول لك شينا بسيطاً.. لا ترفع سقف التطلعات، لأنك لو رفعت السقف، لن تقدر على إنزاله مرة أخرى، فاستمر في الهدوء، ولا تحاول زيارة سوق الذهب قريباً.. قدامك سكة سفر.. هتموت تقريباً لو رحمت هناك.

- خليك راجل:

الست تحب اللي يتحكم فيها؛ بس بهدوء.. ويتحكم بيها؛ بدون أخطاء قد تأتي عليهم بالسوء، بأي شكل من الأشكال. فخليها تشاركك

في بعض الأحيان في اختيار تكم الحياتية.. يعني خليها تختار المطعم اللي هتخرجوا تتغدوا فيه، عشان لو طلع وحش هتتعذب لمدة غير معلومة لسوء اختيارك.. اوعى تصدقها لما تقول لك اختار لي انت.. ده فح يا غشيم!

- ماتطلعش سر بينكم برة:

هتقول لي مستحيل أصلاً، تحب أقولك السر اللي انت هتطلعها؟ ممكن يكون عبارة عن إنكم طالعين أسبوع إسكندرية، ولكنها لم تخبر أحدا حتى هذه اللحظة، فهي تعتبره سرا.. وفي هذه الحالة، ستجد حياتكما الشخصية تباع قصصاً قصيرة على الأرصفة..

العين بالعين يا بيبى.

- ما بلاش نتكلم في الماضي:

لا تستمع إلى من تحب في جزئية أنها تحب أن تتعرف إلى ماضيك، فأنت لست عبيطاً، فالكلام في الماضي لن يعود عليك بالنفع بأي شكل من الأشكال، فهي لن تنسى سهى ولا نهى طول العمر، حتى لو لم تتذكر انت أصلاً هذه الاسماء. ستذكرك في كل مرة وخناقة بأنك كنت على علاقة بغيرها، حتى لو كانت هذه العلاقة من ٢٠ سنة، وأنت بيبى فعلاً..

ألم أقل في بداية الأمر أن المرأة أسهل مخلوق في هذا الكون؟ لإرضائها فقط خليك ذكي وشغل دماغك شوية.. هي بطبيعتها حنونية وبستحمل تبعاً للإحصائيات، ولكن لو لم تصل إلى قلبها، لن تصل إلى شيء أصلاً. فالمرأة مدرسة، إذا أعددتها ريجت دماغك، وعشت عيشة نظيفة.. أي والله أي والله..

كيف تقنعينه أنك بتموتي فيه؟؟

لو أن المرأة تحتاج إلى مجلدات، فالولد يحتاج إلى برشامة امتحانات صغيرة مكتوبة بخط غير مقروء.. برشامة واحدة تكفي. فالأمر مع الأولاد سهل وبسيط.. فقط لو عرفتِ تقرئين البرشامة، سيسهل عليكِ قراءة شخصية الولد. وتأخذنا هذه النقطة إلى نقطة أخرى.. آه والله، وهي إيه بقى؟ أن الولد سهل آه، بس لى يعرف يقرأه، واللى ذاكر ذاكر.. وأغلب البنات ظالمين الولاد عادة؛ فالبنت تنظر إلى الولد على إنه بتاع بنات.. مع العلم أن فى ولاد ماقابلوش غير الست الحاجة طول عمرهم. ولكن تأتى هنا نقطة مهمة، وهى أن أغلب البنات تنظر إلى شريك حياتها على إنه غزال، وأن له معجبات، حتى وإن كان قردا.. تبعاً للمثل المشهور القرد فعين البت بتاعته غزال -مع تصرف فى المثل -.. المشكلة أن هذه المعضلة صعب أن تقنع بيها بنت، حتى وإن كان زوجها بمواصفات

جسمانية شبيه بعلاء ولي الدين - الله يرحمه - فهي دائماً تعتقد إنه ولا «براد بيت» - زي ما قلت لكم فوق -.

أما الجزء الثاني، أن البنت دائماً تعتبر أن الرجال كلهم خائنين. والنقطة دي بالتبعية بتشرح النقطة الأولى، فإزاي يا أستاذة ممكن يكون جوزك أو حبيبك عنده صفات وراثية مشتركة بينه وبين ذكر الكركند أو ذكر السيد قشطة، وأنت تتوقعين أن يخونك مع أخرى؟! .. ده انت تبوسي إيدك لو قبلت أخرى أن تشاركك فيه أصلاً، فهذا دليل أن في هذا الكون أخريات قررت أن يضحين بحياتهن مع نفس الذكر الذي اخترته أنت.. ده معناه انك بتختاري صح، مع أن الاختيار غلط أصلاً، ويمكن ده لقلة عدد الرجال مش لجودتهم..

أما النقطة المهمة بقى، بعيداً عما سبق كله، كيف تقنعينه أنك بتموقي فيه..؟؟؟

- حسيه برجولته:

الرجال عموماً بيعجبوا البنت اللي بتحسسهم برجولتهم، حتى لو كانوا في قرارة نفسهم عارفين إنهم لا يستحقون، أو أنهم أصلاً ليسوا أهلاً لكل هذه المرحلة اللي على غفلة. يعني دائماً أسأليه على كل حاجة في حياتك، وخدي رأيه وقولي له إنك بتحبي تسمعي نصائح الجهدية فوق الرائحة.. في البداية هيحبك وهيحب فكرة إنك بترجمي له في كل حاجة، شوية كمان هيبدأ يقول لك أنا بثق فيكى اعلمي اللي تشوفيه صح.. المرحلة الثالثة ممكن مايردش عليك أصلاً، وفي هذه المرحلة توقفي عن الاتصال خالص.. لحد ما يهدأ نفسياً من ناحيتك تقريباً.. أو يروح يتعالج في مصحة نفسية!..

- مسكبه الريموت:

عموما الرجال بطبعهم ماديين، ويحبوا يتحكموا في أي حاجة. ولو لم يجدوا ما يتحكموا فيه، ييطرقوا صوابهم ويبدأوا في التصرف بطريقة غريبة، ويبدأوا في شرب السجائر، والإدمان في مراحل متقدمة.. لذا، حاولي أن تتركي له أي شيء يمسكه ويتحكم فيه، ليترك لك حرية التصرف في بقية أمور المنزل. وهذه النصيحة في حالة إنكم متجوزين، أما في حالة الحبيبة.. فإنت وذوقك بقي.. أنا ماليش دعوة ككاتب دي أمور عائلية؛ ولا إيه؟؟!

- لا تجادليه:

الرجل بشكل عام ينسى بسرعة، لذا لا تحرفي أعصابك وأعصابه في جدال ليس له آخر، لأنه لن يتركك لتتصري، فاتركيه ينتصر وينسى، وناقشيه في وقت آخر في نفس الموضوع، لتصلي إلى نتائج فعالة.. أما إذا جادلك، فأكثر ما ستصلين إليه أنه سيلعن في سيرة اليوم اللي عرفك فيه أنت ومن يتشدد لك، فالرجل بطبعه لا يحب الجدل.. هو كده خلقة ربنا.

- خليكي حلوة:

الرجالة عينها زايفة، ودي حقيقة. ويبجي السؤال: أنت إزاي بتعالجي النقطة دي؟.. أه صح.. حتى بعد الاهتمام بشكلك الخارجي وخروجك بالشكل الذي يرضيه.. ليه بقي عينه بتزوغ، سمعيني..؟ عشان هو واخذك كده وكرامتك لا تسمح انك تحاولي إرضائه عشان مايبصش برة، وانتي شايقة انه لازم يرضخ للفة الإسبانش الدائمة داخل وخارج البيت.. أحب أقول لك إنك بتخسريه يوم ورا الثاني، وفجأه

سيتعامل معاك زي معاملته مع عم زكي البواب ..

- كوني له صافيناز:

أكيد تعرفي صافيناز.. ولا انت من جيل دينا ولا من جيل لوسي؟
لا كده يبقى رجعنا زمان قووي.. نطلع قدام شوية.. تاني نرجع
لصافيناززز.. صافيناز آخر إبداعات الرقص الشرقي المستورد.. عارفه
ليه؟ لأن الراقصات المصريات ماتعلموش إنهم لازم يطوروا من نفسهم،
وعشان كده جات الحاجة صافيناز وسحبت البساط السحري من تحت
أقدامهم.. من الآخر ضعي صافيناز كمثل أعلى ليكي، مش عيب على
فكرة..

- اتركيه يلبس في صمت:

لو أن الرجل أخطأ في اختياره ١٠٠ مرة، هذه ليست مشكلة. ولكن
لو أخطأت انت، هتكون ليلتك سودا. ومن هنا أحب أقول لك بلاش
تضعي نفسك في هذه المعضلة الأخلاقية.. هو بيحب يلبس في الحيط،
لذا فقي بعيدا وانفرجي في صمت، ولا تتدخلي إلا إذا سألك.. فالرجل
بطبعه لو عدلت عليه وطلعت صح هيكرك.. ولو غلبك هيكرك في
حياتك، فسيبيه في حاله ده بيشقى على غلابة.

- الدليفري:

كما قال الأوائل، المدخل إلى قلب الرجل الطريق الدائري نزلة
الفريق الشاذلي، ثم المرئ فمعدة الرجل.. أيوة اركني انت خلاص
كده في قلبه.. آه والله، ما قلب الرجل مش إلى بينبض، قلب الرجل
إلى بيهضم الأكل.. ومن هنا أحب أقول لك اتعلمي الطبخ أو اتعلمي

تطلبي أوردرات ديلفري صح، بحيث متطليش الأوردر غلط فيطلقك،
ماهو متبقاش بايظة من كله..

حلي عن نافوخه:

لو لاقيتيه في يوم من الأيام متضايق ومتعصب، يا ريت ماتسألهموش
مالك عشرين مرة ورا بعض، لأنه مش في حالة طبيعية يشرح لك ماله..
لكن لما يهدأ هيسجي يقول لك ماله.. وهذا لا يعني برضه إنك عملي
عبيطة وتطنشيه خالص يعني، خليك على الحياذ.. لا تزعجيه بالسؤال
ولا تتجاهليه تماما.. أيوه إحنا عبط يا حسام..

هذه أهم الأشياء المتعلقة بذكر الدرفيل القادم من غابات الأمازون،
وهي نقاط مهمة إذا ارتبطت بهذا الذكر، الذي يعمل صباحًا، ويهوى
الأكل عصرًا، والنوم بعد الغداء، ومشاهدة المباريات في المساء،
والاستماع لكِ كموسيقى في خلفية المشهد أو كتشويش التلفزيون الملون
في التسعينات.. فلا تتردي أن تغلقي الباب خلفك وانت راجحة لماما،
لأنه لن يستطيع أن يتحرك ويغلقه خلفك، فهو لن يأخذ باله أساسًا من
اختفائك إلا إذا شعر بالجوووع.. وشكرًا

الستات عايزة إيه؟؟؟

الستات عايزة ..

قد يكون من أصعب الأسئلة في العالم، بل في المجرة كلها، هذا السؤال: الستات عايزة إيه؟؟، وقد عجز عنه أساتذة علم الاجتماع كلهم، بل عجز عنه ask google فلو سألت عم جووووووجل يا عم جوجل الستات عايزة إيه؟؟ هتلاقيه وبكل بساطة جاء بكرسي وجلس بجانبك، وفي فمه تي الشيشة وقال لك «والله ماانا عارف يا ابني عايزين إيه .. هم طوال النهار بيدوروا عن أشياء تتعلق بالطبخ، وعن أحسن وصفات لعمل الديك الرومي، وفي أوقات أخرى كيفية عمل ستارة من الطرح القديمة، وفي أوقات أخرى عن أحسن ماسكات لتفتيح البشرة، وعن قصاصيم فساتين أفراح، وفي بعض الأحيان عن أحسن التمارين في تخسيس الفخذين، والمعجم الحويط في تنظيف البيت، وكيف أصطاد

سيبكم بقى من كل الكلام اللي فوق ده وماتشغلوش بالكم بيه،
ده كلام جووجل خيلنا تقوووول بقى الستات فعلا عايزين إيه؟؟
وعشان نجاوب على السؤال ده سألنا ستات كثير من طبقات مختلفة
وتوجهات اجتماعية متنوعة، بدأنا بمستكة الشغالة نهايةً بإنجي مرورًا
بمنى ومدام ميرفت..

الطبقة الكادحة «مستكة»

- إزيك يا مستكة؟

- الحمد لله يا باشمنهددزز، أؤمرني يا بيه؟؟

- والله يا مستكة كنت عايز أعرف كده انت ك ست عايزة إيه؟؟
أحلامك يعني؟؟

- انا ك إيه يا بيه؟؟

- ك ست يا مستكة..!!

- آه قلت لي بقى يا بيه وده سؤال إجباري يعني..

- آه يا مستكة خلصيني بقى..

- والله يا بيه أنا مش عايزة حاجة. أنا عايزة أتست في بيتي وجوزي
المنيل ينزل يتهبب يشتغل ويرحمي بقى يا بيه.. أصل الله وكيلك يا بيه
الحياة في البيوت تقصر العمر، والواحد يقابل أشكال ما يعلم بيها إلا
ربنا..

- احمممم..

- مش قصدي انتو يا بيه يعني أنا بتكلم عموما عيشة تقصر العمر
يا بيه

- طيب يعني انت مش عايزة جوزك يدخل عليكى بورد مثلا يهتم
بيكي إزاي يعني؟؟

- ورد إيه يا بيه انت بتمالس عليا ولا إيه؟؟

- مش قصدي.. قصدي انتِ الدلع بالنسبة ليكي يبقى إزاي؟؟

- دلع! والله يا بيه هو لو نزل يشتغل ده في حد ذاته دلع ولو كان
جابلي حنة قماش فسكووروز كده لمبيع أفصل قميص نووم مزهزه كده..
وكمان نغير الثلاجة، والبوتوجاز حالته هباب يا بيه، البت بتي هب في
وشها مرتين قبل كده ووديناها المستشفى ووشها كان هيضيع وايديا
إتحرق وووووو..

- يا مستكة اهدي بس في إيه باقول لك عايزة إيه ليكي مش لعيلتك
ولا للثلاجة والبوتاجاز.

- والله يا بيه هي ده الحاجات إلى ممكن تريحني.. واحس اني مدلعة
وكده يا بيه.. بس في حاجة صحيح نسيتهها يا بيه..

- إيه يا مستكة أكيد هي دي اللي انا بدور عليها؟؟؟ قووولي..

- عايزة أنبوبة بوتجاز يا بيه مش عندك واحدة مليانة؟..

- قومي من وشي يا مستكة..

عمم.. كده مستكة معرفتها عن الدلع ثلاجة وبوتجاز مش بيهب في
وش البت وحنة قماش فسكووروز.. لأدي محتاجة تفهم الفرق بين الدلع

- أنسة - سمحت

- بس و سؤال واحد بس، الستات عايزة إيه من لرجاله؟

- ههههههه

- بتضنكي ليه بس يا أنسة هدير

- أصا السؤال ده مالوش إجابة حضرتك.. يعنى صعب أقول لك الستات عيزه إيه.. بس ممكن أقول لك انا عايزنهم قوا عند كلمتهم لما يوعدوناي وعد يا فندم، يعني الولد اللي يقول هجبي ويتقدم يجي بجد مش ساعة الجد يخلع.. ويقول أصل ورايا جيشر لسه بكون نفسي.. طالما مشرقد الجواز مايوعدوش.. ولا انت شايفيه؟؟؟

- واه أنا مش شايف أنا بأسأل بس.. يعني ات بس عايزه زوج مش عايزه حاجة ثانيه..؟؟

- لسيدي إحنا نتجوزهم الأول وبعدين نبقى شوف طلبات ثانية..

-س في حاجات ثانيه كثير ممكن يبقى نفسك يها من الراجل..!

-مم ما عرفش بقى هو ده إلى في دماغى.. بعدين ما ينفعش أقف معاك كثر من كده، لو صاحبي شافني هيدلني هيبهدلك..

-لا خلاص اتفضلي..

نقل لمكان آخر بقى، يمكن نلاقي إجابا واضحة وصریحة عن السؤال اللولبي ده، بما أن مستكة عايزة بوتجى، والأخت هدير عايزه عرين.. بس نسأل مين بقى؟!.. تقريبا الحل إنا نسأل مثلا مدام سهير، صانبة البيوتي سنتر اللي على ناصية الشارع. دي ست كبيره وأكيد

- أنسة لو سمحت

- بس هو سؤال واحد بس، الستات عايزة إيه من الرجاله؟

- هههههههههه

- بتضحكي ليه بس يا أنسة هدير

- أصل السؤال ده مالوش إجابته حضرتك.. يعني صعب أقول لك الستات عايزه إيه.. بس ممكن أقول لك اننا عايزنهم بيقوا عند كلمتهم لما يوعدوننا أي وعد يا فندم، يعني الولد اللي يقول هيجي ويتقدم يجي بجد مش ساعة الجد يخلع.. ويقول أصل ورايا جيش ولسه بكون نفسي.. طالما مش قد الجواز ما يوعدوش.. ولا انت شايف إيه؟؟؟

- والله أنا مش شايف أنا بأسأل بس.. يعني انت بس عايزه زوج مش عايزه حاجة ثانيه..؟؟

- يا سيدي إحنا نتجوزهم الأول وبعدين نبقي نشوف طلبات ثانية..

- بس في حاجات ثانيه كثير ممكن يبقى نفسك فيها من الرجل..!

- محمم ما عرفش بقى هو ده إلى في دماغى.. وبعدين ما ينفعش أقف معاك أكثر من كده، لو صاحبي شافني هيدلني وهيهذلك..

- لا خلاص اتفضلي..

نتقل لمكان آخر بقى، يمكن نلاقي إجابة واضحة وصریحة عن السؤال اللولبي ده، بما أن مستكة عايزة بوتجاز، والأخت هدير عايزه عريس.. بس نسأل مين بقى؟!.. تقريبا الحل إننا نسأل مثلا مدام سهير، صاحبة البيوتي سنتر اللي على ناصية الشارع.. دي ست كبيره وأكيد

وش العبد الفقير لله -

- الست عايزه إيه غير راجل بجده، محتضنها ويهتم بيها ومحسها
بأنوثتها، يقول لها كلمتين حلوين كل يوم، ويبقى راجل كده مش
تحس إنها هي الراجل وهو خيال مآته.. مايكونش بصباص.. حتى لو
بصباص.. محسها انها أحلى من كل الستات اللي هو ييشوفهم.. محسها
بالأمان.. الست بتحتاج تهرب ليه.. مش تيجي تهرب ليه تلاقيه هو
فلسع.. هي دي الرجوله اللي كل ست نفسها فيه..

- والله كلامك يا مدام سهر كلام مضبوط وصح ومحترم يعني..

- آه يا أخويا أمال.. بس مين يفهم..

- احمممم.. خلاص فهمنا يا مدام.. أن الستات عايزة.. مش

عارف!!!!

المواصفات الـ ١٥

عزيزتي / البنت المصرية ، المصدومة ، المفقوعة ، اللي واخده كام مقلب
في «رجالها مهماش رجالة» ، أو فقدت الأمل أن يجيلك «عريس الغفلة»
المطابق لمواصفاتك اللي مافيهاش حاجة صعبة؛ بس المجتمع شايفها من
مستحيلات هذا العصر .

إليك هذا الخبر الهام «إعلان عريس»

مواصفات «راجل أحلامك» «عريس الغفلة»

١- رومانسي زي «كريم بتاع فاطمة» . يقول لك كلام حلو ويدلحك
بس مايقلبش «عيل سوسو» من بتاع «سو سويت يا بيبي» أو حفلات
عمرو وتامر

٢- حنون وطيبة قلبه مافيش منها اتنين «شاروخان جنبه شرير ومهند

بالنسبة له جبار ولا استيفان روستي»

٢- حمش «عليه شخطة تسمع الجيران» وتعرفهم أن معاكِ راجل مش
«جرافيتي»

٤- مش «خاين» ومش «بصباص»، ووقت اللزوم هيبقى أعمى زي
«صالح سليم» في «الشموع السوداء».

٥- «بيتوتي» وقت ما تحبي، ومنطلق ويبحب الخروج وقت ما تطلب
معاكِ «المغامرون الخمسة»

٦- ممثل قدير و«كياد بطبيعته»، عشان يبقى معاكِ على الخط وانتي
بتحاولي تغيظي بيه صحباتك وسلايفك وجيرانك واحتمال باباكِ
ومامتك لو مفقوعة منهم قوي يعني

٧- مش ممل و«محب للتغيير»، عنده استعداد ٢٤ ساعة إنه يعمل لك
مفاجآت «إيشي شوكولاتات وإيشي ورد بوكيهات وخواتم إن شالله
حتى بلاستيكات»

٨- مستقل بقرارته -يعني من الآخر مش ابن أمه- بس استقلاله
ده بالنسبة لأمه وخالته بس لكن معاكِ إنتي تابع وقابل للتأثر بقراراتك
اللولية

٩- مش كداب ومش «ملاوع»، بيان عليه لو «لف ودار» أو «من
وراكي راح مشوار»

١٠- يتمتع بقدره احتمال غير متوقعة لمشاهده المسلسلات التركية
والأفلام الهندية وسماع حواديتك المتقية

١١- ما عندوش إخوات بنات آه مش طالبة ضراير (عمّات) يعني.

١٢- دكتور مهندس ظابط وله مستقبل في الترشح لوظيفة «المتحدث العسكري»

١٣- ينتمي لنفس التيار السياسي اللي بتشجيعه «آه مش طالبة معاكي وّش وخناقات من الأول أنا عارفه»

١٤- إيده فِرطة - مش بخيل- ويصرف كويس على الخروجات والفسح واللب والكاجو

١٥- وأخير وليس آخرا، جزمته متلمعة ونضيفة.. وغاسل سنانه بـ سيجنال توت.. لابس ساعة ماركة.. وطبعاً «شعره ناعم وكيوت»

ملحوظة: يتمتع «عريس الأحلام» بكل «طلبات» الأهل والأحباب «شقة وعربية وفلوس في البنك وشبكه بـ ٥٠ ألف على الأقل وفرح» أوبن إبير + بوفيه يشرف وأخيرا وظيفة مضمونة ومرموقة»

- لو لقيت كل مواصفاتك وكل أحلامك في الراجل ده.. أرجوك أرجوك: نامي وكلمي أحلام، لأن «هذا الاعلان درب من دروب الخيال»!!

الهب هو.. ولا بلاش

على فكرة السؤال ده ظالم جدًا للمرأة، كأنك بتتكلم عن كائن حديث الاكتشاف؛ لقيته مصادفة وانت بتستكشف القارة القطبية المتجمدة أو بتدور على أطلانطس المفقودة؛ أو كأنك بتتكلم عن كائن فضائي عجيب الشكل مجهول اللغة لسه نازل طازة من الطبق الطاير؛ وأنت مش عارف له أول من آخر..

الستات مش عايزة حاجة معينة يا محترم، ولا معاملة خاصة يعني.. وعشان تعرف قد إيه هم غلابة ومظلومين بالباطل، هاكسب فيك ثواب وأديك حبة نصايح عالماشي..

الست كائن رومانسي، عايزاك كل لحظة تسمعها في كلام حلو بس مبتكر، يعني مش تجيب أغنية لعبدالحليم ولا حتى مقاطع لجمل أسامة منير في أول كل حلقة؛ وتاخذها كوبي وبيست وتبعتهالها.. لا خالص

أبسلوتلي، ساعتها يبقى قضيت على نفسك عشان بتستسهل وتاخذ كلمات جاهزة. انت بسهولة شديدة تاخذ نفس الأغنية أو نفس الجمل، وتغير فيها شوية بمعرفتك عشان تبقى جديدة ومن بنات أفكارك، وتبعتهالها.. بس في مسج من أم ٣٠ قرش + ١ قرش للاستعلام عن الرصيد، مش على مسج فيس بوك ولا واتس أب ببلاش؛ خللس البنية تحس إنك كريم..

الست كائن ثمين وقيم.. عارف انت المهرس بتاع «خليكى جوهرة مكنونة في جراب قطيفة وماتكونيش وردة ريمحتها حلوة في حديقة عامة»؟ هي البنات كلها عارفة الحكمة دي وبتمشي عليها؛ بس بطريقتها.. عشان كده هي كجوهرة مابتحبكش تهاديا غير الجواهر المماثلة ليها؛ يعني هدية ذهب أقل حاجة، وتكون حاجة محترمة يعني خاتم.. سلسلة.. مش دلالة ٢ جرام وهي تحيب السلسلة بتاعتها، وياريت لو جو لازوردي أو داماس أو عالفل إي جي يبقى واضح؛ ماتكسفناش قدام البنية..

- الست كائن جميل يجب كل ما يظهر جماله.. يعني تحب تفاجئها بإزازة بارفان شيك أوريجنال، بس تبقى من النوع اللي هي بتحطه تقديراً منك لذوقها العظيم في اختيار الروائح العطرية - حتى لو ريمحتها شبه ريحة الجاز؛ ويكون بارفان أصلى - حتى لو انت متأكد انها بتجيبها تركيب من الحسين - وياريت تبقى الإزازة ملفوفة لفة هدايا محترمة بساتان وجليتر ومحطوبة بعد ما اتلفت في شنطة هدايا محترمة، وماتقولش لزمة كل ده ايه، لأنها ساعتها هتديك محاضرة عن أن إزاي فن تقديم الهدية أهم من الهدية نفسها (وان ماكانش بيعفي عن قيمة الهدية نفسها ماتتداكاش)..

- الست كائن حساس لأقصى درجة.. عشان كده يصعب عليها قوي

قطف الورد وتعريضه للموت عشان تقدمه في بوكيه لها، وعليه.. فإنت ماتقدملمهاش كل يوم بوكيه ورد وتقولها بيفكرني بيكي، لأن ساعتها يبقى أنت بتفكر فيها ككائن جميل بس سريع الذبول، وحاجة زي دي هتنتلك من خانة الجنتل مان لخانة الذئب البشري في ثواني. عشان كده بدل الورد قدم لها شوكولاته -بس تبقى غالية - ويمكن تحط جنبها وردة هتقبلها منك وقتها..

- الست كائن هش ضعيف محتاج للحماية.. عشان كده لازم تحضر نفسك تدافع عنها في أي وقت، من سايس الجراج اللي هي بتشتمه، من زمايلها في الشغل اللي هي بتبلطج عليهم وتشيلهم شغلها، من أي بيع بتفاصل هي معاه ساعات وفي الآخر ماتشترش.. كل دول شرور لازم تحافظ عليها منهم، ومافيش مانع تلجأ للعنف في التعامل معاهم عشان تحس أن معاهها راجل؛ بس ياريت العنف مايقاش أدامها دايركت عشان هي كائن حساس مايستحملش العنف، يعني ممكن تستنى هي تبقى واقفة بعيد وتبدأ الضرب، أو إن أمكن حد يصورك فيديو ويرفعه عاليوتيوب تحت اسم «عشان خاطر ك يا سارة»

-الست كائن عملي جدا.. يعني مش عايزة منك تفتح لها باب العربية لما تشوفها؛ لأ ممكن تتغاضي عن ده عشان ماتعطلش المرور، بس عايزة منك بس تسبب لها مفتاح العربية وحرية استعمالها - لو بتعرف هي تسوق- أو بس مجرد إنك تعين نفسك سواق خصوصي لها ولصاحباتها وقربياتها في أي مشوار لو مابتعرفش تسوق؛ مع التحايل المستمر عليها - ياريت مع حبة دموع - هتسمحلك تشتريها عربية كتكوتة زيها عشان بتخاف عليها من الزحمة والرخامة والتحرش لو مشيت لوحدها..

- الست كائن تركي! مفيش بنت ماهاش أصل تركي من أصول عيلتها، عشان كده بتحب اللي يفكرها بالوطن الأم.. فتلاقيها متابعة باندماج كل المسلسلات التركية، وعشان تكسبها لازم تشبع ده جواها، يعني تبقى بوسامة كريم وسهوكته على رجولة يجي وقتامته على فلوس عدنان بيك وإيده السايبة لسمر في الصرف بحرية.. وياريت تختار الشخصية المناسبة للوقت المناسب، ويمكن تستعين بدليل إم بي سي عشان تعرف أي مسلسل شغال اليومين دول وتظبط شخصيتك عليه، ونصيحة لوجه الله: حاول تتفرج على الحلقات التركي مسبقاً قبلها عشان تفاجئها وماتبقاش عمل ومقلد ومكرر..

- الست بتحب الإخلاص، بس مع حبة سسبنس تزودها ثقتها بنفسها، يعني لازم تحس أن البنات بتجري وراك وإنت منفض لهم عشان بتحبها هي، ولازم تبقى بنات حلوة مش أي فيميل وإخلاص.. وكل ما زادت درجة أنوثة المطاردات لك وتنفيضك لهم عشانها، كل ما زادت قيمتك في نظرها..

- الست بتحب البساطة.. عشان كده مش عايزاك متكلف في مظهرك، ممكن تقبل بيك بقميص مكرمش وبنطلون منتش وكوتشي مبقع - مش قوي يعني ماتعملش فيها ميكانيكي بلبس الشغل - بس بشرط يكون لوجو البراند واضح؛ بس بيان بعفوية عشان ماتبقاش محدث نعمة.. يعني تعدل ياقة القميص فيان البراند، تيجي تربط الكوتشي فيان البراند، تطلع المحفظة -البراند برضه- من جيب البنطلون فيان لوجو البراند، تحط الساعة قدامها عشان تروح تغسل ايديك فتشوف لوجو البراند عليها؛ أنت وخيالك يعني..

- الست أم بطبيعتها، عشان كده لازم تشبع لها أمومتها بتعلقك بها
- يعني تستشيرها في كل أمورك، وماتمشيش خطوة غير لما يكون عندها
علم بيها، بس برضو ماتزودهاش عشان ماتقولش عليك منغولي..

من الآخر.. الست بسيطة وحساسة وجميلة ورومانسية وجوهرة
وعملية وأم.. مالتني أوبشنز زي أي سهارت فون أندرويد.. ماتحاولش
تنزل لها سوفت وير جديد، تكيف انت أو اتغير..

والحل بسيط ومش متعب.. انت بس حاول تبقى ميكس من حلیم
ورشدي أباطة وأوناسيس وأحمد السقا - في أي فيلم له مع منى ذكي -
مع تاتش لأحمد رزق في التوريني؛.. ويمكن ساعتها تعجبها.

الجنى الذي كفر

قرر جنى مصباح علاء الدين أن يعرف ما تريده النساء ليحققه هن.. ومن علي صحابته، هبط للمدينة الصامته ليلاً، واختار بيتاً وجد سيده تجلس في الشرفة، فوقف أمامها مبسماً «شبيك ليك، قوليلي الستات عايزين ايه يريجهم وأنا أنفذه؟..»

فنظرت له نظرة ذليلة وقالت: «إحنا عايزين ايه؟! مش عايزين حاجة أبداً.. دا إحنا مرتاحين»

فتهلل وجه الجنى وتمتم «الحمد لله» وهب ليرحل، فصرخت: «أنت رايح فين، انت مصدق إننا مرتاحين، انت لازم تغير الرجالة المتجوزين عشان نرتاح، لازم تخليهم رومانسين، وييجيوا ورد وشمع.. وكمان لازم تخلي الستات اللي مش حلوة حلوة عشان رجالتهم مايصوصو برة، وكمان خلي سوسو جارتى تبطل تيجيلي أصل عنيتها وحشة و..»

فقاطعها الجني: يا مدام، أنا مالى بسوسو، أنا عايز أعرف الستات
عايزة ايه؟!

فصرخت فيه مجدداً: انت بتقاطعني ليه؟ وبعدين ما أنا قلت لك
خليهم رومانسيين وخلينا أحلى و..

تركها الجني غاضباً ورحل وهو يتمتم: هو دا اللي الستات عايزينه؟!
لا لا..

وأخذ يبحث عن امرأة أخرى، فلمح شابة جميلة تجلس في حجرتها
تقرأ، فذهب لها «شبيك ليبيك، قولي لي الستات عايزين ايه يريحهم وأنا
أنفذه؟..»

نظرت له من وراء زجاج نظارتها وانفجرت قائلة: نرتاح؟! نرتاح
في المجتمع الذكوري ده.. نرتاح إزاي وإحنا بنخاف ننزل الشارع
عشان التحرش.. وقفزت من مكانها واقتربت من الجني ووجهها يملأه
الغضب «إحنا مش عارفين نرتاح يا أستاذ»

تراجع الجني للخلف وقال لها: يعني أعمل ايه؟!

نظرت له وصمتت كأنها تفكر وقالت ببساطة: موت الرجاله كلهم..
خاف الجني وفر هارباً.. ليجد نفسه في بيت آخر، وأمامه امرأة يبدو
عليها الطيبة فقال لها بملل «شبيك ليبيك، قوليلي الستات عايزين ايه
يريحهم وأنا أنفذه؟..»

نظرت له وكأنها ستبكي: «ممكن تخلي الستات ماتتدخلش في حياة
بعض؟! وأولهم جارتى ابتهاج، بتدخل بيتي وتخرج تحمكي عليّ وفكرة
أن الكلام مش بيوصلني، ده أنا ساكتة ومش راضية أقول عنها إنها..»

يقاطعها الجنى: انت مش طلبتِ منى ما ادخلش حد في حياة حد،
أقال إنتِ بتعملي ايه؟!!!!»

فانفجرت فيه: «أنت كمان هتغالطني مش كفاية إنها..» ففر الجنى
هاربًا مجددًا قبل أن تكمل جملتها.

وفي الشوارع، مشي يدخن سيجارة بشرية رديئة، ويلعن فكرته الغبية،
فقابل رجلا يبدو عليه الحكمة، فسأله «قل لي لو سمحت الستات عايزين
ايه؟»

فأجابه الرجل بغضب وهو يتزع من الجنى سيجارته: «وهو أنا لو
أعرف كنت مشيت في الشارع في ساعة زي دي؟..!»

العريس

صالونات صالونات، وعريس داخل وعريس خارج، وعريس داخل وعريس خارج، وتستمر المفردة، إستحضروا معايا كريمة مختار في الحفيد، و«ما تطلق الست دي يا حسين»

صلوا على النبي كده وسموا واستعيذوا وخليكو معايا بالراحة واحدة واحدة.. إحنا متفقين أن موضوع الجواز قسمة ونصيب، وإنها سنة الحياة، وكل الكلام الجميل اللي دايمًا بنسمعه من ماما وتيته وخالتو وعمتو وبابا وخالو وعمو وجدو وباقي الفاميليا الكريمة أول ما البنات تكبر وتتدور ويتقدم لها العرسان، وأهلا ومرحبا بك عزيزتي البنت في مفردة جواز الصالونات

تيجي طنط اعتكاف بنت خالة عم أم جوز خالة ابن عمه بابا بالجملة المشهورة «أنا عندي عريس إننا إيه فلوس وعربية سبعة راكب (فشر

إحم إحم مقدّمًا طبعًا إنتم عارفين إحساسك لما الحاجة تقرر تلعب
على وتر الأم الحساس، وقدامك خيارتين وجزرتين مافيش غيرهم
ياتوافقي ياغصب عنك وباستخدام الأسلحة السرية اللي من تحت
الحزام برضه هتوافقي. وهنا يضعك القدر في مفترقين للطريق: يا توافقي
بالذوق ياهتشوفي أيام سودة عليك وعلى اليوم اللي قررت ترفضني فيه،
تعددت الأسباب والزواج واحد!

خلينا نشوف الطريق الثاني، لو إنت زي حالاتي وقررت ترفضني
جواز الصالونات. وهنا يظهر شورلوك هولمز وظابط الموساد الكائن في
قلب كل أم مصريه، وتبدأ الشمشمة..

رافضه ليه؟ انت شفتيه قابلتيه عرفتيه؟ انت في حد في دماغك؟ بتحبي؟
آه تبقي بتحبي، أمال هترفضني ليه من الباب للطاق كده؟!

يا ماما يا حبيبتني مش معنى إني أرفض يبقى بحب أو مرتبطة ماينفعش
أجوز واحد لمجرد أن طنط اعتكاف معجبة بيه لا شافني ولا يعرفني ولا
أنا أعرفه

فتبص لك الحاجة وكأنها حطت إيدها على البلف.. على أيامنا ماكانش
بنشوف العريس وتطلع الإسطوانة المشهورة (ده جدك الله يرحمه أما دخل
وقال لي إحنا موافقين على أبوك اتكسرت كده من الكسفة وقلت له اللي
تشوفه يابابا مش إنتم يا جيل آخر زمن عنكم بجحة وقد كده يدب فيها
رصاصه عاوزين تعرفوا الراجل من دول وتلفوا معاه السبع لفات وبرضه
ترفضوا)

وتستمر محاولات الإقناع مع محاولات مستميتة إني أحافظ على أعصابي
برًا بالوالدين برضه.. يا ماما يا حبيبتني يا نور عيني مش معنى إني أعرفه

يبقى لازم أمشي معاه. ممكن يكون واحد هو اللي شافني واختارني، مش بنت خالة عمه أخت جوز صاحبتك طنط استكفاف ال جابتهولك (وما بالك بطنط استكفاف وذوق طنط استكفاف.. إحم أقصد اعتكاف.. ده نيك نيم أطلفته مجازًا عليها) وبعدين جيلنا غير جيلكم والتفكير مختلف، أنا مش هتجوز صالونات ياماما.. لأ يعني لأ..

تسكت الحاجة شوية وكأنها بتدرس الموضوع في دماغها، وتبتسم ابتسامة خبيثة من تصدير إبليس ماركة إستراتيجيات جهنم.. أفهم من كده إنك مش موافقة طيب براحتك أنا مش هغصب عليك برضه الجواز مش بالإكراه يابنتي

وبعد مدة زمنية، خارجة في أي مشوار مثلاً.. ماما أنا نازلة مع..

فترد عليكِ الحاجة.. لا مافيش خروج.. هتفضلي طول النهار خارجة طالعة! عاوزة الناس تقول علينا إيه، عيارها قالت!؟

(الإستراتيجيه الإبليسية رقم واحد) وأخيرًا كشفت عن أسلحتك السرية.. بس ياماما أنا مانزلتش النهارده خالص وبعدين ناس مين اللي هتكلم

هو كده قلت مافيش خروج يعني مافيش خروج.. وتسكت شوية.. ما انتِ لو مخطوبة وعلى ذمة واحد كنتِ تدخلي وتطلعي براحتك وعلى كيف كيفك مخطوبة بقي، إنما أنا ما اقدرش أغصبك على أي حاجه يابنتي ألف الموضوع يمين شمال، وأحاول أقنعها، ولا سبيل.. فترجعي أوضتك تجري أذيال الخيبة متحسرة على الأيام السوداء اللي هتيجي عليكِ..

ماما بعد اذنك عاوزه أشتري لبس جديد.. لا مافيش لبس جديد
الدولاب عندك مرطوط ومليان تشيكي وتلبيسي لمين؟ مخطوبة مثلاً؟
جايلك خطيبك اللي هتشيكيه؟ (الإستراتيجية الإبلسية رقم اثنين)..
باماما إيه علاقة اللبس بالناس بالمخطوبة

هو كده.. عاوزه الناس تقول ماشية تتعاقب وهي مش مخطوبة! بتعاقبي
لمين ها؟ قوليلي هنا؟ وترجعي تاني لأوضتك تجري أذيال الخيبة وتتحسري
أكثر على الأيام الأشد سواداً اللي جايه عليك زي السحابة السوداء بتاعة
وزارة الزراعة

وهنا تتحفك الظروف بمخطوبة صديقة مقربة لك أو فرح، وتيجي
معاك الوالدة ويبدأ الحصار ومصمصمة الشفايف.. جتني خيبة على حظي
وحظ بنتي المايل؛ أهى صاحبك اتخطبت، سُفِت؟ خليكى انتِ قاعدة
جنبي زي البيت الوقف.. عيني علياً وعلى حظي وبختي، تيجي الناس
اللي بتحسدني تشوف الدفاتر وتنقرا (اشتغلت إسطوانة الندابة)!!!

ويا سلام لو صادف وعدى أي صديق من أصدقاء العائلة، أول نظرة
تسد زى قذيفة المدفع لإيده اليمين والشمال، على سبيل مخاطب ولا لا،
وترسم الإبتسامة الثلاثة متر.. إزيك يا حبيبي وإزاي بابا وماما عاملين
إيه.. انت خطبت بقى ولا لسه؟!

لا والله ياطنط لسه مافيش نصيب.. فتظهر هي نظرات الاستعطاف
والحسرة (إمسك كمين) ربنا يرزقك بينت الحلال اللي تفرح قلبك
أه نسيت أعرفك ببنتي.. عروستي حبيبة قلب ماما اللي زي القمر
(الإستراتيجية الإبلسية رقم ثلاثة)

فهيوصل الحال في النهاية لإنك موافقة.. فتنظر لك الأم نظرة صلاح
الدين الأيوبي لما حرر القدس من إيد الصليبيين. أيوه كده فرحت قلبي..
هي دي بتي حبيتي

وبصراحة هو ده حال المجتمع المنيل المشوه اللي إحنا عايشين فيه،
البت اللي تشقظ عريس وتتجوز بسرعة، مش مهم العريس ده ثقافته
إيه، مناسب ولا لا، (الراجل ميعيوش إلا جيبه) تبقى شاطرة وناصحة؛
إنها اللي تتأخر في الجواز أو رافضة وحاطة مبدأ أو مواصفات معينة،
تبقى وحشة ومعيبة وفيها حاجة، يا ماشية مع واحد وتطلع سلسلة من
الإشاعات وتكبر وتنتشر وتتوغل وتستمر وتستمر وتتوغل وتنتشر ولا
مليون إزازة فليت تقضى عليها، وسلسلة كاملة من الضغوطات تنزل
ترف على البنت من الأهل والعائلة والصحاب، فتبدأ حبة بحبة تتنازل
عن مبدأ هي كانت حطاه في عريس الأحلام، لحد ما توصل لمرحلة
عمرية معينة، عادة بتكون ماتجاوزتش سن ٢٨ سنة، توضح فيها لإرادة
المجتمع وترضى بأي عريس والسلام، وأهو ضل راجل ولا ضل حيطه.

وبيا إننا مجتمعات لا متدين بطبعه، فلا عزاء للسيدات، وماحدث يبسال
سواء مجتمع أو أهل أو غيره هي البنات عاوزة إيه، على سبيل إنها هتعوز
إيه أكثر من جوز وفلوس وعربية وفيللا سبع مطارح وحمم في أوضة
النوم!!!

نوصل لمرحلة العريس أو المحروس من العين اللي راجع من الخليج،
بيدور على أي واحدة مناسبة يرتبط بيها، ياخذها على أول طيارة ويخلع
ويتفق الحاج والحاجة على الميعاد. وبالنسبة لعريس الغفلة مافيش
أسهل من كده.. هيضرب أي بنطلون على أي تي شيرت وحمّاية كويسة

مع ثلاث أربع خمس أزاز شامبو - ده لو ربنا كارمه ولسه باقي عنده شعر أو بقايا شعر ببيكي على أطلاله- مع رشتين برفان وشوية بخور على سبيل الرقية من عين كل من شافك ولا صلاح على النبي.. وآدي ديتها..

وعلى الجانب الآخر عند العروسة، استعدادات بالدخول للحرب العالمية الثالثة، مسح وكس وتنفيض وغسيل حيطان، وباسلام لو عايشين في بيت بتاعكم مثلاً بيدخل ضمن قائمة التسليح الحربي مسح السلم وغسيل البوابات، ده غير طبعاً الجاتوه!! أهم حاجة الجاتوه والفرش الجديد.. إنتم عاوزين الناس تاكل وشنا؟

وهنا بتظهر الكنوز المدفونة على أرفف النيش الأعظم، أطقم الصيني والكأسات اللي غالباً كتير مننا ما يعرفهاش ولا عمره شافها.. ما بتظهرش إلا وقت المناسبات العظيمة وتنتهي بحملة تفتيش أبله نظيرة من الست الوالدة، تشملها نظرات دقيقة لأماكن خفية (تعرف منه طلستني في التنضيف ولا نضفتي بذمة)..

ومطالب منك بعد العلقة السخنة دي تلبسي شيك جدا وتزوقي (ده لو منزلتيش جبرا وتحت التعذيب تشتري لبس جديد) ولازم تتأكد ماما أنك بعد الدش حلوة وفلة وبتبرقي (واخدين بالكم طبعاً يابنات) وكل حاجه فيكي متحددة بالملي، وخدي بالك من الكعب، أهم حاجة الكعب.. لو رجلك مش بيضاء وحلوة كده اتأكدني أن ماما بذات نفسها هتسحبك من قفاك على الحمام وتمسكك دعك لحد ما يبانلك صاحب، وفي النهايه تيجي تتظمن على شكلك، وباويلك ياسواد ليلك لو مش حاطة شوية أهر على وشك، وما فيش مجال للاعتراض إنك لازم تكوني

على طبيعتك في أول مقابلة.. هو كده انتِ عاوزة الناس تاكل وشنا؟
هتخطي أحمر يعني هتخطي أحمر.. وخدي البسي الذهب ده، عاوزة
الناس تقول عليكِ قرعة، وتقعدي هنا لحد ما أندهلك تجيبي العصير من
المطبخ، وتدخلي بالراحة وبصي في الأرض وتتكسفي.. فاهمة يعني إيه
تتكسفي؟ وإوعي تجيبي الصينية واقع فيها حاجة، ولازم الكأس يكون
مليان لا يقولوا علينا ما بنفهمش في الذوق، وخدي بالك توقعي الحاجة
وانتِ ماشية، والبسي الجزمة أم كعب عشان تبينك كده، وما تطلعيش إلا
أما أندهلك، وخدي بالك من عيني، تابعي عيني، فاهمة ولا لا؟ وافردي
بوزك ده شوية.... وقائمة من التعليقات، وكأنك على أعتاب حرب
نوعية، مش لسه أول لقاء!! ثم تبص الحاجة شذراً، منذرة بالويل القادم
والصواعق الحارقة اللي هتنزل على نافوخك لو فكرتِ تنسي حرف من
تعليماتها.. وتطلع الحاجة وتسيبك..

ثم تأتي اللحظة الموعودة.. حانت لحظة الحقيقة (تان تان تان) وضاع
العمر يا ولدي (أنا أنا أنا أنا أنا أنا أنا أنا أنا أنا أنا) وها انتِ تخطين بكامل
إرادة الحاجة الحرة، نحو عريس الغفلة، والمحروس من العين، وكان
بدري عليكِ عليكِ بدري

وتدخلين بالعصير والجاتوه، وتقعدين في الركن اللي الحاجة هتحدد هولاك
بعنيها، وتبصين في الأرض، وتبدأ جلسة المرافعة والمداولات.. إحم،
قصدي التعارف!

وتقعدي طنط اعتكاف بفستانها، موديل ماركة زند الفيل مخطط، وتبدأ
تلقي على الحضور بيانات المحروس من العين، وبيانات العروسة المغصوبة
على أمرها، وبعد الرسميات التي لا مفر منها، يقوم الجمع ويسيبك لوحك
في لحظة المواجهة..

وبعد المعاينة ولحظات الصمت المحرج، تبدأ جلسة الاستجواب، وترفعين عينك وتضربيهما مثلاً كده، فإذا بك تلاقى العريس بكرش أو أقرع مثلاً، أو ماعندوش أدنى ذوق في لبسه.. شراب كاروهات على جزمة بني على بنظلون أزرق في قميص أخضر، بيقل اللي بيصله وكأنه تلفزيون مالتي كالر متعدد الألوان مبهر، بس هنقول وماله الناس مش بشكلها برضه المههم الثقافة والأخلاق.. وبعدين مش بنقول دايمًا الراجل من غير كرش ميسواش قرش.. اصبري على رزقك ماتبقيش سطحية

ويبدأ الاستجواب وجلسة الاعترافات، وعادةً بتبدأ هكذا: عرفت أن اسمك..

تبدني ترفعي وشك في وش الكائن المقابل ليكي، وتبدأ الصورة تتضح، وفي الغالب بيكون لابس اللي على الحبل كله (حاجة آخر الأجة يعني) ويبدأ يرص في المواصفات.. والله أنا أحب اللي ارتبط بيها تكون ست بيت، كوميدية دمها خفيف، تدلعي كده، متساحمة، وكريمة، وبتحب الأطفال، وتسمعني وتستوعبني (انت محتاج دكتور نفسي ياعم مش عروسة) وشوية حاجات فرعية كده.. عندها لغات عشان الأولاد في المستقبل إن شاء الله، لبقة، متطورة ونضيفة، وطبعًا أهم حاجة الدين.. لازم الدين آه، الواحد مايبيعش آخرته برضه (مش عاوزها بتطير كمان بالمرّة؟) وكأنه داخل بيشتري غسالة فول أوبشن!

نيجي بقى لعريس الغفلة، اللي بعد ما رص قائمة المطلوبات والممنوعات، وحدد هو عاوز إيه، وعلى ما يبدو مش مهم أنت عاوزه إيه، تبدئي تشوفي هل ياترى بيصلي مثلاً؟ نقطة الثقافة عنده عاملة إزاي؟.. وللأسف، النتيجة تكون خانات صفرية كبيرة.

طبعًا أنا مش بعمم، أنا بتكلم على حالات معينة، كلنا واجهناها في لقاءات الصالونات وغير الصالونات، بييجي العريس فيها ووالدته وبيبرص قائمة من الرغبات، ويشوف قفص الطهاطم (العروسة) هل ياترى القفص مغري شهبي ولا قفص نص نص.. وهيشيل بقى وللا لا نظرة شكلية محضة، وكثير من الأهل بتوافق بحجة إنه لقطة، فلوس وعربية وشقة، عريس جاهز، مش مهم مناسب ولا لا

مجتمع ظالم ومفتري ومنيل بستين نيلة، وكان في دبانة بتزن جوة رأسه عاوزه تنضرب بالجزمة لحد ما تسكت زي النمرود بالظبط. والبنات كل يوم بيزيد الضغط عليها، ولا عزاء!!

نص على الصعيد الثاني.. مراحل التعارف الأولى والخطوبة والجواز، لو حصل نصيب. البنات فيها بتكون عنوان الرقة والأنوثة، خطيبها مثلاً لو عزمها في مطعم بره تطلب سلطة وتخاف تضغط على الشوكة تجرح الطمطاية اللي قدامها، وتبريش وتسبل وتسهر تعد النجوم، نسمة رقة.. الهوا لو لمس خدها يجرحه.. وصوتها اللي قال عنه منير (صوتك أرق من النايات صوتك غنا مالي السكات)

وبالنسبة للخطيب الموعود، ينزل لخطيبته باللي على الحبل وهاتك يا هدايا وخروج وفسح وحب.

وبعد الجواز

تتحول الأنوثة بقدره قادر لكرة مبعجرة متفلطحه الجوانب والأطراف، واقفة طول النهار في المطبخ ضاربة الشقة على الجللية الكاروهات، وبتترعق في دبان وشها وسلطة إيه بقى الله يرحمها، مش أقل من ثلاثة كيلو رنجة

وفسيخ وحتتين كوارع وكرشة كده لزوم التقوية ورم العضم.. وضاعت
الأثوثة ياولدي!!!

وعلى الجانب الثاني، يتحول الخطيب لكائن مكرش بيلعب في صوابع
رجله، متجول في أنحاء البيت بالفائلة البيضاء أم حمالات، وبقت هي أم
العيال وبقي هو أبو العيال.

فيا عزيزي الزوج أو الخطيب أو اللي مش خطيب حتى، قليل من
الصراحة والتلقائية والظهور على الطبيعة في المقابلات الأولى والخطوبة
مش هيفضر، وإلا هتلاقي نفسك ارتبطت بعم برعي السمكري وهي
بالواد زوئله بتاع المخلل اللي بيلعب في مناخيره على أول شارع بيتكم..

ويا أعزائي أولياء الأمور، خدعوكم فقالوا (ضل راجل ولا ضل
حيطة) (وجوزك أو خطيبك على ماتعوديه) و(خدديه معوج وأعدليه)
اتركوا بعض البراح لجليل يختلف في الفكر والعادات عن جيلكم..
مش معنى إننا جيل رافض فكرة جواز الصالونات نتحول للجليل صايغ،
مضروب فيه ميت مفك، وعشش في دماغه أفكار أوروبية منحلة ولازم
تقوموها فيه.. كل الحكاية حق الاختيار!

من حقنا نختار الشخص المناسب، مش فلوس وفيللا سبع مطارح
وحمام في أوضة النوم كما قالت طنط استكفاف

ومن حقكم تدوروا على الدين والأخلاق والتربية مش الماديات

نرجع لعريس الغفلة، اللي لو قدرتِ تفلسعيه أخيرًا يبقى عقبالك في
المسرات أن شاء الله، ولا عزاء لماما!!!

قواعد الستات الخمسين «عن الأنهر»

بعد قراءاتي البسيطة عن الرجل والمرأة، توصلت للآتي:-

١- الرجل بطبعه تفكيره صندوقي (بمعنى إنه مايعرفش يفكر في أكثر من حاجة في وقت واحد، أو يعمل أكثر من حاجة في وقت واحد)، أما المرأة تفكيرها عنكبوتي (ممكن تنجز أكثر من عمل في نفس الوقت وممكن تسمع وتكلم وتشتغل في وقت واحد)

٢- الرجل يحب المرأة كما هي، مع عدم محاولة تغيير أي شيء منها (بمعنى أن الرجل بيقبل المرأة زي ما هي بكل مميزاتها وعيوبها، وبيكون مقتنع أن دي شخصيتها ودا كيانها وبيحبها على الأساس دا)، أما المرأة

عكس كده، بتحاول دايمًا إنها تغير في الرجل، وأوقات كمان بتعتبر أن تقبله ليها بدون ما يغير فيها أي حاجة نوع من السلبيه.

٣- الرجل عموماً ينسى شوية عن المرأة. بمعنى أن لو حصل مشكلة مثلاً وحلوهما، الرجل خلاص بينساها تمامًا. أما المرأة، بطريقة لا إرداية، بتكون فاكرة كل حاجة (وممكن كمان مع أي حاجة تافهة بعد كده تفكره بحاجات كتير قديمة يكون هو نسيها أساسًا)

٤- الرجل عموماً مايبجش نصائح المرأة يعني مايبجش تفضل تقوله: (المفروض كنت تعمل كذا، أو كنت تسمع كلامي، مانا قلت لك، وكلمات من هذا القبيل) أما المرأة فبتحب جدا نصيحة الرجل ليها وبتعتبره اهتمام جد!!!!

٥- الرجل بطبعه لما بيكون متضايق بيحب يكون لوحده (في الكهف) ومايجبش حد يقوله مالك، ويفضل لوحده فترة لحد ما يحل مشكلته أو يتخلص من الشيء اللي مضايقه ويرجع لطبيعته تاني. أما المرأة، عكس ذلك، فلما بتكون متضايقة بتحب أن الرجل يكون مهتم بيها ويسألها مالك ويسمع لها كويس جدا، حتى لو مش هيحل أي حاجة في المشكلة، مش مهم بس المهم إنها تحس أنه مهتم بيها ويسمع لها.

وللاسف، دي بتكون سبب خلافات كتير قوي، لأن كل واحد بيتعامل بمنطقه. يعني لو الرجل بيتصرف عادي وبيحب يكون لوحده، المرأة بتفسر دا على إنه عدم حب ليها أو عدم ثقة في رأيها، ولو فضلت تسأله مالك واتضايق، برضه بتفسرها على إنه عدم حب وإنها ماينفعش تدخل في حياته، وكذلك الرجل لما تكون المرأة متضايقة ويتعامل معاها

من منطقته هو، ويسببها لوحدها لحد ماتهدا، بتعتبر أن دي سلبية وعدم حب وعدم اهتمام!

٦- (الحب المشروط) ودي أكثر حاجة غلط الطرفين بيستخدموها

بمعنى أن لو الرجل عمل حاجة تسعد حبيبته، فيكون مستحسن منها هي كمان تعمله حاجة

٧- المبالغة في الاهتمام بالرجل من قبل المرأة، أوقات بتقلب بتتيجة عكسية (إنه بيحس إنه طفل صغير مايعرفش يعتمد على نفسه) والمرأة بتعتبر أن دا تعبير عن الحب، وبرضه تقييم سلوكيات الرجل بطريقة مباشرة: «المفروض تعمل».. طريقة الإلزام عموما لا يفضلها الرجل

٨- الرجل يضع في أولوياته ضغوط عمله وحياته، وبعد ذلك الضغوط التالية، أما المرأة فأول اهتماماتها هي زوجها ومنزلها، والضغوط التالية فيما بعد، سواء عمل أو غيره، وهنا أيضًا تنشأ نقطة خلاف، فالمرأة تعتبر أنها آخر من يأتي على بال زوجها، والرجل يعتبر أن العمل والمستوى الاجتماعي الجيد هو أول ما يسعد أي زوجة في العالم

٩- المعاملة بالمثل

وهذه معاملة خاطئة ١٠٠٪

وتتمثل في (إذا لم تستجب لطلبي فأنا لن أستجيب لطلبك، وإذا لم تهتم بي فلن أهتم بك!!)

١٠- الرجل يعتقد أنه إذا أسعد زوجته مرة، فإنها ستظل سعيدة بشكل دائم، والمرأة عكس ذلك تمامًا، فهي تحب الاهتمام بشكل دائم ومتواصل.

١١- الرجل محدود العطاء، بمعنى أنه إذا أعطى وأسعد المرأة، وعلم أنها سعيدة يتوقف عن العطاء شيئاً ما، لأنها مبتسمة وسعيدة، أما المرأة، تحب العطاء بشكل دائم ومستمر

١٢- عجبنتي جملة جداً: «الرجال يشبهون رجال الإطفاء؛ إذا كان هناك حريق، فإنهم يبدلون كل شيء لإطفاء هذا الحريق، وإلا استغرقوا في سبات عميق؛ ليستعدوا لما يستجد من الحرائق!

١٣- الرجل مشاعره متغيرة مقارنة بالمرأة، فهي تتغير بشكل أسرع عن المرأة.

١٤- ينشأ معظم التوتر في العلاقات بسبب حالات سوء الفهم، أو عدم النية للفهم أو الاستماع.

١٥- يميل الرجل إلى الانكماش في العلاقات، وبمجرد قبول المرأة للرجل، فإنه يبدأ في الانجذاب إلى داخل نفسه، إذ يميل إلى أن يركز على احتياجاته الشخصية، وليس على احتياجات المرأة، ومثله في ذلك مثل القوة الجاذبة، حيث يميل إلى أن يتمسك بذاته، ولا يرغب في فقدانها، ويسهل عليه أن يركز على ذاته دون اهتمام بالآخرين، حتى وإن كان لا يعرف أو يعي ذلك!!

١٦- الرجل قبل أن يتحدث يلخص كلماته في فكرة رئيسية، ثم يطرحها.. أما المرأة، تتحدث لتعرف ماتريد توصيله من أفكار..

١٧- في كل مرة تقوم بكبت ذاتك أو الضغط عليها، أو إنكارها من أجل أن تكون محبوباً، فإنك تكون كارهاً لها؛ بحيث إنك تعطي لنفسك إشارة معناها أنك فاشل بالدرجة الكافية، بالطريقة التي تتبعها.

١٨- يتأرجح الرجال عامة بين النفور والحساسية، أما النساء بين التضحية والاستقلالية.

١٩- الرجل لا يجب اللوم الكثير، ويجب أن يكون مسئولاً مسئولية كاملة عن تصرفاته، ويحتاج أن يكون عقلانياً ومنطقياً، وأن يقلل من اعتماده على المشاعر، حيث يعتمد بشكل أكبر على عقله لاتخاذ القرارات. أما المرأة، فمعكس ذلك، فهي تعتمد على مشاعرها بشكل أكبر.

٢٠- الرجال يرون العالم من منطلق «إدراك مركز» بينما ترى النساء العالم من منطلق «إدراك إنتشاري»، ودا برضه بيوضح أن الرجل تفكيره صندوقي أما المرأة تفكيرها عنكبوتي..

٢١- الرجل يهتم أكثر بالأهداف والنتائج «أي أنه عمل بشكل أكبر»، أما المرأة فهي تنسم بالرومانسية والحب والعلاقات الاجتماعية، وتكون حريصة جداً على المناسبات الاجتماعية وإظهار التعاون..

٢٢- الرجل كلما زادت الضغوط عليه كلما مال إلى العزلة بشكل أكبر، وعلى العكس، المرأة تميل للكلام والمناقشات.

٢٣- إن أكبر خطأ يمكن أن ترتكبه المرأة فيما يتعلق بالعلاقة بينهما هو التوقف عن التعبير عن احتياجاتها للرجل، والبدء في القيام بكل شيء بنفسها دون طلب مساعدته أو مساندته، وهذا يعد سهلاً على المدى القصير، ولكن على المدى البعيد، فهي لا تقوم بعملية التواصل الضرورية والمطلوبة في العلاقة بينهما، وفي النهاية سوف تشعر بأنها مضطرة للقيام بكل شيء بنفسها، وتفترض على سبيل الخطأ أن شريكها ليس مهتماً بتقديم العون أو المساعدة.

٢٤- الرجل لا يغير قراره أبداً، إذا شعر أن المرأة لا تثق فيه، أو أن

ثقتها فيه قليلة، لكن إذا شعر بتقديرها له ولوقوفه، فمن الممكن أن يغير قراره أو يعدله..

٢٥- الرجل حينما يقسو، يقسو على أقرب شخص له (زوجته) والمرأة حينما تقسو تقسو على نفسها!!

٢٦- إن الفرق بين جرح مشاعر الرجال، وجرح مشاعر النساء هو أن الرجال لا يدركون أن مشاعرهم قد جرحت!

٢٧- أكثر ما يسيء للرجل هو اعتقاده بأن من يجبههم ويعرفونه جيدًا لا يقدرونه ولا يقبلونه، كما أنهم لا يثقون به.

٢٨- الرجل يتعلم من أخطائه عندما لا يقوم أحد بتصحيحها له أو يرفضه بسببها.

٢٩- مشكلة الرجل أنه من الممكن أن يجرح المرأة دون أن يشعر، والمرأة أيضًا كذلك (والسبب أن كل منهم يتعامل بمنطقه وليس بمنطق الطرف الآخر).

٣٠- الرجل لما يكون مجروح سيكون عايز يتخلص من مشاعره دي بأي شكل، فيبطلها على أي حد، وغالبا يعني الحد دا بيكون أقرب الناس له (زوجته)، أما المرأة حينما تشعر أنها مجروحة ولا تجد من يسمعها، فتقوم هي بمعاقة نفسها.

٣١- عندما يكون الرجل واقعا تحت ضغط معين، فإنه يحتاج للوقت، لإيجاد حل موضوعي (تصرف إيجابي)، وعندما تكون المرأة واقعة تحت ضغط ما، فإنها تحتاج لمزيد من الوقت وكثير من الانتباه؛ لإيجاد حل يتسم بالذاتية (توجه إيجابي).

٣٢- الرجل حينها يكون مستثارًا ومتطاولاً، فإنه ينتقل إلى الجزء المظلم والمخيف من شخصيته.

٣٣- ترك مساحة في استخدام كلمة (لا) جزء جوهرى في فن الطلب، وبدون هذا النوع من التقبل والانفتاح يتحول الطلب إلى مطالبة ملحة.

٣٤- الرجال يشعرون أنهم معاقبون عندما تبالغ النساء في ردود أفعالهن.

٣٥- الرجل لا يفكر في أي مشكلة إلا عند حدوثها، ولذلك القلق في الرجل أقل نسبيًا من المرأة، أما المرأة فعندما تزيد الضغوط حولها، تزداد رؤيتها للمشكلات المحتملة، يزداد لديها القلق!

٣٦- تمثل المرأة المنهكة تهديدًا كبيرًا للرجل. فمن المؤلم جدًا التفكير بأنه أهمل في الوفاء بمتطلباتها، فهو لا يدرك أن الإنهاك ليس إلا نتيجة لا يمكن تجنبها لحالة عدم التوازن التي تعانيتها، ويحتاج هو إلى إدراك أن الخطأ ليس خطأه، كما يحتاج إلى إدراك أنها سوف تفقد توازنها مرة ثانية وثالثة، وذلك لأنها بشر، بغض النظر عن نجاحه في النهوض بأعبائها

٣٧- لقد خلق الرجال والنساء متساويين؛ حيث إن الطبيعة الأصلية (الروح) لكل منهما واحدة، فكلاهما يمتلك الذكاء والقلب المحب، ولكن الطريقة التي تتطور بها ونعبر بها عن طاقاتنا الفردية تختلف من شخص لآخر.

٣٨- إن مشكلة الرجال عمومًا هي أنهم ليسوا واعين تمامًا بأنهم فاقدوا الاهتمام بزوجاتهم، فهم فقط على وعي بأنهم مهتمون بعملهم أكثر من اهتمامهم بعلاقتهم الزوجية!

٣٩- إن المرأة بحاجة دائمًا لرموز الحب، عندما يحضر لها الرجل بعض الزهور فهي تعلن وتؤكد إحساسه القوي بجمالها وأنوثتها. النساء في حاجة إلى تلقي الزهور بشكل مستمر، فبالنسبة لها، تكون الزهور رمزًا للحب، أو لجمالها، فهي تجعل الحب قويًا وراسخًا..

٤٠- إدراك الرجل يختلف عن إدراك المرأة، فالرجل ينظر للشئ ككل لكن المرأة تهتم جدًا بالتفاصيل، ولذلك عند ما تناقش المرأة الرجل في تفاصيل دقيقة جدا يعتبر أنها (تفاهات)

٤١- حينما يتجاهل الرجل شيئًا ما، مهما كان أو بسيطًا، فالمرأة تعتبر أنه يتجاهلها هي بشكل كامل.

٤٢- الرجل يعتبر بعض التصرفات (مالهاش لزمة) زي مثلا إنه يجيب لزوجته وردة أو أي هدية بسيطة، لكن المرأة بتعتبر دا حاجة كبيرة جدا!!!!!!
فالمرأة لا تسأم أبدًا من أساليب زوجها للتعبير عن حبه

٤٣- الاحتياجات العاطفية تتعلق بالطفولة إلى حد كبير

بمعنى (أن لو الولد كان محروم من الحنان وهو طفل دا بيأثر على شخصيته قوي ممكن يعمل بحكمة «فاقد الشيء لا يعطيه» اللي أنا ضدها جدا، وممكن يكون عايز يعوض كل اللي حوالية عن الحنان دا) ودا برضو
يكون بالنسبة للولد والبنات

٤٤- نصيحة للرجل والمرأة «حتى نحصل على الحب الذي نستحقه، يجب أن نخاطر ونصرف على طبيعتنا في الحب، حتى تنمو قدرتنا على تلقي هذا الحب، ويصبح من الأسهل علينا أن نهب من أنفسنا شيئًا من قدراتنا الدفينة.

٤٥- عندما يكون الرجل أكثر اهتمامًا، فإنه يساعد المرأة على أن تكون أكثر ثقة.

٤٦- من الصعب على الرجال أن يتعلموا الاهتمام بالآخرين، ومن الصعب على النساء أن يتعلمن الثقة.

٤٧- الرجال يتميزون بالنظر إلى الأسلوب الذي يتم تناوهم به.

٤٨- إن المهارات التقليدية التي يجب على المرأة اكتسابها تتطلب قدرات تقليدية، ولكن يجب استخدامها بأسلوب جديد، حتى تضمن الحصول على ما تحتاجه من شريك حياتها!

٤٩- نظرة كل طرف للآخر، الرجل يعتقد أنه طالما يلبي طلبات منزله من مال ومعيشة فالمرأة لا يجب أن تشكي، وإذا اشتكت فهي متدمرة، والمرأة تنظر للرجل على أنه دائما مقصر ولا يهتم، ولا تدرك أن الرجل عقلائي وعملي بشكل أكبر وهذه طبيعته والأمر ليس له أي علاقة بتغير نسبة حبه لها، وهذا يتلخص في «أن نساء اليوم لا يهجرن أزواجهن لأنهم لا يوفرون لهم مستوى معيشة أفضل، ولكن لأن أزواجهن لا يشبعون احتياجاتهن العاطفية والرومانسية، فعندما لا يفهم الرجل احتياجات المرأة الجديدة، فمن المحال أن تشعر بالإشباع. وعدم الرضا المتزايد من جانب المرأة هو الذي يجعل الرجال يشعرون بالإحباط، فالرجال لا يهجرن زوجاتهم لأن مشاعر الحب تجاههن قد ذبلت، ولكن لعدم قدرتهم على إدخال السعادة على حياتهن».

٥٠- لم تكن العلاقات تتميز بالصعوبة بالنسبة للرجل في أي وقت من التاريخ مثلما هي عليه الآن.

دا كده ملخص للى قريته لـ (جون جراي)

ملاحظاتى الشخصية:

هتكلم بقى عن لغات الحب اللي اتكلم فيها (جاري تشايبان) و(كريم الشاذلى)

١- لغة الحب هي اللغة اللي بتتواصل بيها مع الطرف الآخر، وأكبر مشكلة أن اللغة دي غالباً بتكون مختلفة أو مش معروفة أو مش مقتنعين بيها أساساً.

جاري تشايبان شبه لغة الحب بأى لغة بتتكلم بيها يعني قال كمثال إن لو الرجل لغته انجليزي مثلاً والمرأة لغتها صيني

الأتنين صح والأتنين بيتكلموا صح بس ما حدش فاهم التاني لإن اللغة مش موحدة

اللغة دي بقى بتشكّل في كذا حاجة ومنها (كلمات التشجيع، الخدمات المنزلية، الاتصال البدني، الهدايا، الذكريات الطيبة) وفي غيرها كثير

كل إنسان فينا له لغة حب معينة، والدليل على كده أن ممكن بنت مثلاً تزعل من ولد قوي لأنه مايسألش عنها إلا كل فترة، ويتعتبر دا عدم حب، وواحدة تانية تشوف أن دا عادي جداً وإنه مالوش علاقة.

واحدة تانية مثلاً ممكن تكون بتحب الهدايا قوي، ويكون مقياس الحب عندها أن طول ما زوجها بيحب لها هدايا على طول مهما كانت بسيطة فهي كده على باله على طول، وممكن واحدة تانية يكون بيحبها كل يوم هدية، بس هي برضه حاسة إنه مايبجهاش وان أي حد ممكن

يعمل كده ودا معناه أن أول حاجة تهتم بيها جداً في شريك حياتك انك تركز على اللغة بتاعته.. تشوف هو بيعحب ايه، مش تعتبر أن طالما انت بتحب حاجة يبقى لازم يكون هو بيعحبها، لأنه ممكن يكون عكسك تماماً. والافضل في الحب أن يكون الشخصيتان مختلفتان شوية، يعني تكون اهتماماتهم فيها شوية اختلاف حتى ولو جزئي، لإنك لما بتحب حد ويكون زيك في كل حاجة بنفس اهتماماتك وميولك وكل حاجة هتحمس مع الوقت بملل، وان مافيش أي اختلاف بينكم عشان تتناقشوا فيه.. وطبعاً الموضوع نسبي.

طريقة التعرف على اللغة المشتركة (دا رأي شخصي)

طريقة التعرف على اللغة ممكن تكون شوية متعبة في الأول، بس لو انت والطرف الآخر قرييين من بعض جداً، ممكن تقدر تعرف دا من خلال الكلام. يعني عادي ممكن تسأله بيفضل ايه، وهو عموماً بيبان من غير سؤال ولو مش حابب تسأل -ودا الافضل إنك تكتشف بنفسك- ممكن تعمل اختبار للتعرف على لغة الحب والاختبار دا بيكون انك تجرب كل لغة لفترة صغيرة، وتشوف ايه أكثر لغة هتفرق مع شريكك، ومن هنا تقدر تعرف. وبرضه وانت بتتعامل معاه تعرفه لغتك، يعني لو انت مثلاً من النوع اللي بيعحب كلمات التشجيع، حسسه جداً انك فرحان بكلامه وانه فرق معاك جامد جداً، وهو طبيعي هيلاحظ دا ومن هنا بيكون عرف لغتك وبيبدأ الطريق في سهولته للتواصل.

٢- اختلاف الزمن:

أنا شايفة أن اختلاف الزمن دا أكثر حاجة بتعمل مشاكل، ودا مش معناه أن الزمن دا حلو أو وحش واللي فات عكسه

لا هي كل الفكرة أن كل حاجة في المجتمع اتغيرت

أول حاجة مثلا.. زمان العيشة كانت الى حد كبير كويسة، وحتى لو في فرق فمش زي دلوقتي، دلوقتي في فرق جامد في الطبقات الاجتماعية والطبقة الوسطى أو شكت على الانعدام.

فمايفعش نتعامل زي زمان بمنطق (البنيت ملهاش إلا بيت جوزها) أه طبعا البيت مهم وكل حاجة، بس مش معنى كده إنها لا تصلح في أي عمل آخر، بالإضافة كمان لأن راتب الرجل حاليا مايقاش بيكفي كل حاجة في الظروف دي

٢- موروثات ثقافية

وهي حاجات غلط جدا، بعض الناس بتعتبرها مقياس منها مثلا أن البنيت لما يجيلها عريس الشروط بالنسبة لبعض الأهالي بتكون:

- (١) مش هتعيشي في مستوى أقل من مستواك
- (٢) بلد ريف لا
- (٣) لازم نفس كليتك، أقل منك لا
- (٤) الدكتور يتجوز دكتورة والمهندس يتجوز مهندسة
- (٥) لازم يكون من عيلة
- (٦) من محافظة تانية

(٧) راتبه مش كبير

دي برضه بعض الحاجات مش كلها، وأعتقد إنها موجودة كثير قوي
المشكلة أن التفكير في الحاجات دي بيخلي بنت أو الولد يتغاضى
عن عيوب رئيسية. يعني مثلاً لو البنت أهلها شرطهم أن يكون ولد زيتها
في المستوى الاجتماعي وأقل منها لا، دا بيخليها تركز على الشرط دا قوي
وبتسني تشوفه كويس من جواه، عيوبه ومميزاته وكده، هي مادام لقت
شرطهم يبقى على البركة.

فكرة المستوى التعليمي برضه انتشرت جدًا، بالرغم أن الشهادات
دلوقتي أساسا بتتركن، بس لسه في فكرة أن الدكتور لازم تتجوز دكتور
أو تنازل مثلاً وتقبل مهندس أو صيدلي، لكن أي كلية غير كده لا،
وطبعاً دا بيكون عشان المنظر الاجتماعي مش اكر

بقينا بتغاضى عن العقلية والثقافة لمجرد شهادات ومنظر اجتماعي
بس

فكرة المكان، إنه لازم يكون من نفس البلد، طب وهما الباقيين
وحشين ولا إيه؟

ممكن شخص يترفض للسبب دا، لمجرد بس أن المكان هيختلف،
لكن أي حاجة بعد كده مش مهم

من الآخر يعني احنا بقينا بتعامل مع الزواج (زي المصفاة) كده
مستنيين أحسن فرصة ودايا في دماغنا أن فيه فرص أحلى

الموضوع مايتحسبش كده، هو كله نصيب في الأول وفي الآخر طبعًا،
بس فكرة أن الجواز اجتماع عقليين وقلبيين، مش موضوع بقى لا فلوس

ولا شقة ولا مكان، مع مراعات برضه أن ما يكونش الفرق كيبسر،
يعني الوسط حلو

٤- أنا رايح أخطب

فكرة أن الولد رايح يتقدم لبنت يعني لازم يرسم نفسه قوي ويكون
ملاك برئ ويتخلى عن كل عيوبه، أو بالأكثر العيوب اللي هيكتشف إنها
ما بتحبهاش، ودي أكبر غلطة

إن كل واحد بيحاول يبان للطرف الآخر كويس قوي وجميل، مع أن
بالعكس جدا «أكثر إنسان بيكون عارف نفسه هو انت»، وما فيهاش أي
مشكلة على فكرة إنك تقول على عيوبك بمنتهى الصراحة، لأن دي مش
حاجة عيب ولا غلط. أصل انت مش هتجوز ملاك، ماهي أكيد فيها
عيوب زيك، وعلى فكرة لما بتكون صريح من الأول بتقدر تكسبها، وهي
كمان بتتعامل من المنطلق دا

لكن لما تفضل تخبي عيوبك، هي كمان بتخاف تتكلم وبيكون كل
همها طول الوقت انها تكتشف عيوبك، وممكن تعمل تصرفات مش من
طبيعتها أصلا عشان تكتشفك. يعني ممكن تكون هي هادية جدا، بس
تستفزك عشان تشوفك هتتعصب ولا هتفضل هادي، أو ممكن حاجات
تانية مختلفة..

٥- أنا جايلي عريس

برضه نفس المشكلة عند البنت، وأكثر مشكلة بقي في البنات إنها لازم

تعرف كل صحابها وتسأل أعمل ايه وأقول ايه واتصرف ازاى، وطبعاً
رغى البنات اللي مايخلصش، وكل واحدة تقول لها نصيحة من خبرتها
السابقة، ويمكن الموضوع يبوظ بسبب النصائح دي أساساً.

وتلاقي البنات عمالين ينصحوا بعض بكلام مالوش أي لزمة.
بصي، الولد بيعحب البنت الهادية، وواحدة تانية لالا الولد بيعحب البنت
الرغاية، وواحدة تالثة لالا بصي الولاد أصلاً ماينفعش معاهم إلا العين
الحمر لا لازم تكوني رخمة جداً عشان يبقى كويس.

وتلاقي طبعاً البنات يا عيني تاهت ف النص، ومش عارفة تصدق مين
ولا تعمل إيه، ويتلاقي نفسها بتحاول تكون أكثر من شخصية في بعض،
وبتتوه في نفسها.

٦- أصله جواز تقليدي

في دلو قتي ناس كثير بترفض العريس لمجرد إنه زواج تقليدي أو مش
قايم على «قصة حب»، بمبرر انها ماتعرفوش، ومادام جه البيت يبقى
لازم هيكون حلو، يعني لازم يظهر كويس يعني يداري عيوبه.

ملحوظة بقى صغيرة، أساساً الزواج مايقومش على الحب

الزواج أساسه «المودة والرحمة والاحترام»، وبعد كده الحب. لأن
الحب أوله إعجاب، وإنك تعجب بحد معناه انك بتكون منبهر بيه، يا
إما انبهار مؤقت ويينتهي، يا إما يتحول حب ويستمر، بس برضه مش
هو الأساس. يعني لما تحب حد وما تحترم مش شغله أو أسلوبه أو طريقته
وتدعي انك بتحبه! دا أكيد مش حب!!

لأنك لو بتحب حد أول حاجة هتفكر فيها هو انه إزاي بيكون
مبسوط، وإزاي تقدر تسعده، وهو لو بيعجبك هيقدر دا جدا وهيحترم
كده وعمره ما هييجي عليك.

٧- هابقي اقرا ساعتها، والفكرة دي بتفكرني بمقال «البحث عن
كارثة» لمحمد غالية..

وهي اننا ما بتتحركش إلا لما بتحصل كارثة!!

يعني دلوقتي سهل جدا إنك لو عايز توصل لمعلومات للتعامل مع
الطرف الآخر تقدر توصل لها، بس احنا ما بنفكرش إلا لما بيحصل مصيبة
يعني تلاقى البنت طول ما هي مش مخطوبة عمالة تتأثر بكلام اللي
حواليها وتاخذ الخبرة منهم حتى لو كانوا غلط، بس لأنهم مجربين وأكد
عارفين اكر مني

وبعد الجواز بقي، مع أول مشكلة، تلاقى سيطرة فكرة «انا عايزة
أنطلق»

عارفين ليه؟ لأن الزواج عند أغلب البنات بقي مجرد هدف.

تيجي تتناقش مع بنت، تقول لها انتِ نفسك في ايه، أول رد بيكون:
أنجوز ويبقى ليا بيتي وولادي.

شيء جميل وسنة الحياة ماقلتش حاجة، بس انتِ فين؟ وجودك
وكيانك فين؟

مع أول مشكلة بتكون البنت مش عارفة تتعامل إزاي، لأنها خلاص
بقي حقت هدفها كده.

برضه فكرة إني هـ «أربي ولادي زي ما اتربيت» دي فكرة غلط جدا، لأن الزمن بيختلف في كل حاجة، دلوقتي احنا في عصر التكنولوجيا والسرعة وكل حاجة بتطور وفي مشاكل دلوقتي ماكانتش موجودة زمان خالص هتتعامل معاها إزاي بقى زي ما إتربيتي وهي ماكتش موجودة اصلا؟

المفروض نبدأ نقرأ عن أي مرحلة قبل ماندخل فيها

تلاقي الأم عندها ولد أو بنت في مرحلة المراهقة، وتيجي في آخر المرحلة خالص تفكر إزاي تعالج مشاكلهم، ودي المصيبة، إننا بنستنى لحد ما نزهق وف الآخر نفضل نلف على متخصصين و«الحقونا»

ملخص الموضوع أن بلاش نتعامل مع الطرف الآخر بمنطقنا إحنا، وشوف هو محتاج إيه والمفروض تعامله إزاي..

وبلاش طريقة «أنا كده وإذا كان عاجبك» عشان دي فيها أنانية جامدة جدا

آخر ملحوظة وصلت لها

(الرجل) بيعحب اللي يسايسه، يعني بلاش شغل الأوامر، مثلاً لو مش عايزك تخرجي بلاش كلمة لأهخرج والجودا، عادي ممكن تقولي له طب عشان خاطرني، أو لو مش عايز أنا مش هزعلك بس أنا نفسي أخرج.

على فكرة الطريقة دي بتنفع جدا، بتحبب فيك وبتخليك تعملي اللي انت عايزاه

(البنت) بتحب الاهتمام ومابتحبش تطلب الحاجة كثير، دايمًا عايزة تحس انها على بالك بأي طريقة بقى، من لغات الحب زي ما اتفقنا،

وبلاش كل حاجة تعملهاها تحسها إنك عملت لها جميلة والمفروض كل شوية تشكرك، لأن البنيت بطبعها بتحب الاستمرار في الحب، ودي مش أنانية أو عدم تقدير منها.. لا هي طبعها كده، نعمل ايه بقى قدرنا!

عمر الشريف

بنات بنات بنات.. والحمد لله إني مش من البنات لو البنات كدا..
وأنا في الجامعة، كان معظم البنات شايفين إني مش بنت كدا..
ماعرفش في قلة الأدب وماعنديش فضول أعرف، مش باتكلم عن
الأولاد ولا طول ما أنا ماشية أعجب بكل ولد، مع العلم إني كنت fair
جدًا بمعنى إني لو في ولد شكله حلو باقول آه أمور، بس مش باقوها
بنخنة.. عادي يعني، أمور لنفسه مش هيفيدني بحاجة إني أتسهوك وأنا
بتكلم عنه، أنا شايفة كدا أو يمكن نقدر نقول ماكنش في حد اضطرني
أتكلم عنه بسهولة، أصل معلش يعني إحنا في مصر يعني مش هشوف
توم كروز ولا براد بيت ولا حتى جوليان ماكماهون (بحبه قوي بقى)..
المهم البنات كلهم طبعًا أساتذة في السهوك، ورأيهم إني في حاجة
غلط، على الأقل دا رأي الصريحة فيهم، والي عندها الجرأة تقول كدا

في وشي (زي ما احنا عارفين البنات تموت في الكلام على بعض من ورا بعض)..

بصراحة كلامهم أثر فيه جدا وصدقته، وبدأت أشك في نفسي، وبدأت أقتنع إني في حاجة غلط، وإني لازم أتغير وأكون بنت طبيعية.. يعني كل لما أشوف ولد شكله كويس أعاكس فيه واستعمل كل الكلمات المعروفة: عسول قوي و cute و handsome جدا وشكله ابن ناس موت وبيجد بجد tres chic ..

وفعلا بدأت رحلة التغير للأفضل، أو للأسوء مش فارقة، المهم أبقى بنت بقي وماحدش يقول عليّ نص كلمة..

طبعًا بدأ يبقى ليّ صديقات النميمة، واللي بدأوا يفتحوا عيني على حاجات، والله عجيبة.. يعني مثلاً ولد يعدي مليون شوية (واللي أنا مش ضدهم والله) تقولك «وااااااو شكله بيروح الجيم»!!.. يبقى نفسي أقولها انتِ هبله دا تخن مش Bi & tri يا روجي.. بس طبعاً ميادة دي لازم تسكت وتبقى بنت وماتبوظش الـ moment وتقوم ميادة، البنات تقول لها آه شكله قوي موووت..

وفي مرة أخذت واحدة من البنات دي معايا تمرين الإسكواش، كانت حابه تيجي تنفرج عليّ وأنا بلعب ودخلنا وهي قعدت والكابتن جه، وأنا بدأت وخلصت تمريني وهي قاعده متنحة للكابتن وأنا مش فاهمه ليه؟!.. خلص التمرين وخذتها وطلعنا نروح، ومن غير ما أسألها انت كنت مركزة، كدا ليه لقيتها بتقول الكابتن دا موزرززه!! دا أمور قوي بقي أنا بصيت لها كدا باستغراب وقلت لها كابتن أحمد!! أبو جني!!

قالت لي أيوه يا بنتي انتِ أتعميتي ولا إيه؟!.. دا طويل وأمور وعنيه

أنا خلاص معيط من القرف، وهموت وأقول له ماتدخل يا عم
خلص قرفك وأبقى تعالى تاني!!

هو: معاكي مياه!؟

أنا: آه، اتفضل وخليها معاك، أنا هابقى أشتري واحده تانية

هو حاطط صباعه في بؤه وتقريبا وصل للبلعوم وقاعد يكح ويتفتف
وريجة فول طالعة منه ملت الملعب كله، وحاجه قرف

أنا دقيقتين وهتقياً ومعيط لمجرد التفكير إني للحظة كنت معجب بيه
وأسمع كلام البنت دي

الحمد لله خالص فقرة القرف اللي كان فيها، ومسح إيده في هدومه
وقال لي خلاص طلعتها.. قلت له الحمد لله أنا قلت هيجراك حاجة
ويقولوا راح ضحية قشرة فول!!

كملنا التمرين وأنا مش طايفة أبص له ولا طايفة نفسي ولا طايفة
الملعب، وبقالي ستين مبطله لعب إسكواش.. كل دا بسبب قشرة فول..

ومن يومها، وقررت إني زي الفل الحمد لله، ومش شرط أبدا
أعجب بكل ذكر يبجي قدامي علشان أبقى بنت!! بالعكس البنت حياء
وكسوف وبصة في الأرض.. مش تبص وتحقق وتحلل كل واحد معدي
كأنها x-ray...

والحمد لله إني مش بنت لو البنات كدا..

صافينار

« جتنا نيلة في حظنا العباب »

(كامل الأوصاف فتني والعيون السود خدوني من هواهم رحت
أغني آه باليلي آه ياعيني) هكذا استحضرت روح العندليب، وأنا أشاهد
إحدى الرقصات ذائعات الصيت، بعد رقصتها الشهيرة في فيلم كسر
الدنيا، لا لجودة أو محتوى راقى، وإنما لسياسة القلع، والتي هي شعار
كثير من صانعي الأفلام الآن (كل ما تقلعها أكثر فرصتك في تكسير
شباك الإيرادات تكثر، وكله بما يرضي الله وده فن راقى راقى راقى
والصاروخ يموت ليه ياوديع) تابعت عيني الراقصة وهي تلتف حول
نفسها وتهز نفسها يميناً ويساراً ولا أجدعها زار بلدي، ثم جاء الفينش
النهائي برعشة هزت عرش مصر بأكمله..

وانتهت الفقرة، والتفت، فإذا بشباب أمة لا إله الا الله على غرار لم علينا عبيدك يارب يتابعونها بشغف، متأسفين متحسرين على انتهاء الوصلة الحمراء، وانفضت العيون المتابعه للشاشة بخيبة أمل وتحسر على حظهم الهباب، ولكن لماذا انتشرت الثقافة الجنسية في مصر؟ هل كما قال جدتي بأن كل الرجال عنها زايغة ويندب فيها رصاصة وإن منحهم في النص التحتاني؟ هل تصدق جدتي التي كل علاقاتها بالثقافة والتكنولوجيا الموبيل أو (النابايل) كما تسميه؟ ولكن فعلاً مع انتشار ثقافته الجنسية في مصر، سواء من أفلام درجة تالته تلعب على أوتار الإثارة، أو ثقافة أفلام البورنو تصدير بلاد برة، أو لدواعي اقتصادية وسياسية محضة، كل هذا جعل صافيناز ورقصتها الشهيرة أشهر من أوباما، وجعل قناة التت لها متابعون أكثر من البي بي سي الإخبارية، وبوسي سمير ونجلا وروبي وهيفاء والقائمة تطول بها لذ وطاب المحلي والدولي وعابر القارات، كل هذا وغيره أنتج جيل من الشباب اللاهث خلف أخبار تجول فضاء الفيس بوك وغيره من مواقع التواصل، هيفاء وهي بقميص النوم، صور نادرة للفنانة صافيناز وهي تخلع المايوه أمام أحد معجبيها.. وأصبح خليط الجنس والإثارة والفضائح والدين، فنحن شعب متدين بطبعه، على غرار تدين أحمد زكي في البيضة والحجر.. محرك البحث الأول والشغل الشاغل في وطن يعاني أبنائه الذكور من كبت وكتمة على مدار الأجيال السابقة، ولا أستثني منها المتزوجين أو المخطوبين، وإلا ما الدافع لمتابعة رجل متزوج لقضايا وفضائح جنسية؟!

تجربة بسيطة ستثبت لك ما أقول.. افتح صفحة أشهر محرك بحث معروف: جوجل وأكتب فقط حرف الصاد، ستظهر لك في البداية قائمة بأكثر الأسماء بحثاً، وما النتيجة؟ أكثر الكلمات بحثاً هي صافيناز! ومع

انتشار خدمات السعادة الزوجية والعلبة الذهبية وزيرو تسعمية، ومعه
علت سقف طموحات الشباب بالنسبة لزوجة المستقبل، كما قال أحمد
بدير عايز عروسة على المقاس عندها خضرا بشعر أصفر، بجسم هيفا
وشفايف أنجلينا جولي، وكل عريس وضع مواصفاته الخاصة ولا عزاء
للأنسات، فكيف السبيل لصراع مع ماركات عالمية كانت ناتج دكتور
نجميل دكتور تحويل في رأي وفريق طبي كامل للنفخ والرفع والشد
والسنفرة والتركيب، وكيف ستنافس عروس المستقبل في هذا السباق؟!
الأمر يشبه فوز مصر على غانا والتأهل والفوز بكأس العالم القادم،
لا مصر هتصعد ولا هنعدي من أول دور، وعلى رأي المثل يامستنية
العريس يامستنية صلاة الجمعة يوم الخميس، وعلى الجانب الآخر نجد
أن الواحدة من دول تتحول بقدرة قادر بعد كام شهر من الجواز إلى أنثى
مبعجرة مفلطحة الأجوانب والأطراف، والرجل بدوره لكائن مكرش
يجول في أنحاء الصالة بالفانلة البيضاء أم حمالات!

ضاعت الأنوثة وضاعت فكرتها عن رشدي أباطة اللي كان هارمها
ورد وفسح أيام الخطوبة، وهي بدورها في نظره تحولت من أنثى لآلة
تفريخ وأم العيال والحكومة اللي كابسة على نفسه ومراقباه في الشاردة
والواردة، وحاسة الشمشمة والشك الشك ياولدي المتمتع بيها كل
زوجة مصرية أصيلة.. حتى اللقاء أصبح نوع من تقضية الواجب على
فترات متباعدة، وكأنه يلقى إليها حزمة فجل أو بيديها لفة بالعربية!

أصبح العازب والمتزوج يبحث عن سيدات مالتى كالر بالألوان،
زوجة وأم وموزة بترقص وبتغني، ومش بعيد يطلبها بتنور وبتغني بابا
أويح.

وتزداد الثقافة الجنسية توغلاً، ومعها سطحية في التفكير، ويرتفع سقف المتطلبات ومش مهم الستات عايزين آيه، أصل ستات مصر مش ستات دول غفر، وشايفين نسوان بلاد بره عاملين إزاي، وجتنا نيلة في حظنا الهباب، فياعزيزي الرجل، قبل ما تقرر تتقدم وتوقف بخت المحروسة من العين وتتعنبا معاك، استوعب أن اللي قدامك كائن حي بعيوبه ومميزاته، يعيش ويتعايش زيك بالطبط، وارحنا من أنعرة سعادتك وبص للمراية الأول، ولو حصل النصيب وشفنت من زوجة المستقبل إهمال، بعضا من التنبية لا يضر أحد في شيء، دلعها تدلعك وقليل من الاهتمام بمشاعرها ولا بأس ببعض الحنية ماهي رضيت بيك على عبلك برضه!!

ويا كل صانعي الأفلام، نطالبكم كحزب نسائي ارحمونا وقدموا ثقافة هادفة، مش قلع وفن هز الوسط وهز أشياء أخرى، هتطيروا الرجال من إيدينا، ارحمونا!!! وأنهى كتابة هذا المقال وأنا أرى جمع من الرجال على غرار لم علينا عبيدك يارب اقترب قليلا، لأجدهم يتابعون نفس الكليب ذو الصيت اللي مكسر الدنيا، ونفس الراقصة اللي وقفت شنابات مصر ورجالها «نفير نفير» وأسمع في الخلفية الجملة اللوزعية «جتنا نيلة في حظنا الهباب»!!!

السهوكة في هذه الحالة هي مجموعة من التصرفات، التي لا يفهم سببها من الأساس، إلا أنها في عقل بعض البنات مهمة. ولما لا، فهناك ولاد كثيرون ييحبوا السهوكة، ويعتبرون البنت اللي مش بتسهوك قالبة عل واحد صاحبهم، وفي هذه الحالة البنت تستخدم السهوكة كسلاح.. أبوه اسمع مني.. البنت في هذه الحالة تتعامل مع الولد وكأنها لا تعرف أي شيء في البشرية، فهو يعلمها من جديد، فلا تستغرب أن تقوم البنت بسؤال الولد عن بعض الأشياء اللي ممكن أصغر طفل في الكون يعرفها، فلا تتفاجأ إذا سألتك البنت عن العربية بتمشي بالبتزين ولا بالبيسي.. لا تستغرب لهذه الدرجة، بتحصل.. مش لازم معاك، ممكن مع غيرك، فالبنت بتحب أن تعرف كل شيء من حبيبها، ذلك الذكر الأفلاطوني العارف بكل الأمور، حتى لو حلف لها أنه لا يعرف أي شيء، لن تصدق (هي حابة كده سببها براحتها)

وأيضاً لا تستغرب إذا قالت لك ٩٠٪ من البنات ممكن تفتحلي الكانز؟ أصلي مش باعرف أفتحه «قال يعني رقيقة وكده»، خدها وافتحها عادي وماتتنحش كثير وقل لها اتفضلي يا حبيبتي مع ابتساماة لطيفة.. هي تحب ذلك..

البنت ال Single

ما هي نظرية برضه أن الست تكون كائن فضائي مريب مانعرفش
جه منين وانتشر في كوكب الأرض إزاي ومحير الرجالة يا عيني . طيب ما
تبجي نتكلم عن الراجل اللي هو نفسه مش فاهم هو عاوز ايه اللي مش
مركز أساسا في اختياراته ..

يعني زي ايه؟ زي الشيء اللي يعلق بنت بيه وبعدها يخلع، وطبيعي في
فرق بين واحد بيحب وبين واحد عنده فراغ

يعني زي واحد مش مرتبط بواحدة يقول لها وحشتيني وحببيني، دي
هرمونات زيادة مثلا؟!

يعني زي إنك تشغل وقت حد، ونفس الوقت مش عاوزه يبعد
عنك، مبروووك الأرنب بشنب بس جبان!

«تعرفني أن أنا أول مرة أتكلم مع حد وأتعلق بيه كده؟ أنا أصلا مش عارف باقول الكلام ده ليه، مش المفروض أقوله»، ولد عارف بنت من يومين

«نفسى تقوليلي كلمة أولها (ب) وآخرها (ك)»، ويكون الرد عليه كلمة (بروح أمك)

الست بقى عاوزة إيه؟ الست مش عاوزة غير حنية من غير حيرة شكل محدد لطبيعة علاقة، مش حضرتك داخل مول تتفسح وتقضي وقت لطيف وتمشي

خايف مثلا من أن العلاقة ماتنجحش؟ وارد جدا وطبيعي، كل واحد ماشي بشنطة فيها أحلام وتصورات عن الشخص اللي نفسه يجبه، وأول لما يقابل أي حد بيحاول يركب عليه كل الحاجات اللي في أم الشنطة دي بالعافية

لكن مافيش حد فاشل في الحب، هو بس فشل في فهم وتقييم البشر مافيش قصة حب فاشلة.. لا في ٢ فشلوا إنهم يحبوا بعض

قصة مانجحتش، بلاش استهبال وإنك تحول حياتك لأغنية تنسى واحدة لعمر ودياب، وطبيعي هتتحول لمعقد زي هاقي. البنت أساسا بعد قصة حب مانجحتش صعب تدخل حد في حياتها بسرعة، لأنها دايمًا هتقارن

أما حضرتك أيها السيد الفاضل بتكون عاوز تشغل وقتك والسلام، علشان صعب أن ولد حياته تبقى Single إنما البنت، الاستثناء انها متكونش Single

الفرق بين الراجل والبنت جوة العلاقة أن البنت دايمًا عاملة زي
الطالب المجتهد، اللي مش باصص غير في ورقته ويحاول ينجح، بتكون
بعني مش شايفة حد غيره

لكن الراجل طالب خايب، نفسه يأخذ إجابة من كل واحد جوه
اللجنة ويطلع الأول، فتلاقيه دايمًا باصص برة، ومايعرفش الفرق إلا
بعد فوات الأوان

وده بقى نقول له: هي كانت فين عنيكى يا يمامة لما دورتِ باديكى
هلى الندامة

من الآخر: الست عاوزة راجل وبس، مش واحد يستعرض عضلاته

حين إلى أكل الجبنة

ماذا تريد البنات؟ سؤال في المطلق صعب الإجابة عليه، وخاصة لمن تعيش في مثل مجتمعنا المصري خاصة، والشرقي عامة، والذي غير من مفهوم أحلام البنات وتطلعاتهم تماما، فلم تعد ((بيت صغير فوق جزيره لوحدا) وإنما أصبحت (مانحسبوش يابنات أن الجواز راحة).. ولكن بعيدا عن الأغاني، دعوني أجيب عن هذا السؤال من منظوري الخاص جدا..

لذلك، في البداية دعوني أطرح عليكم عدة أسئلة:

هل تعرفون معنى أن تكون فتاة في مجتمع ذكوري من الدرجة الأولى؟

هل تدركون مدى المعاناة وسط مجتمع يرى الذكورة (أوبشن)

محصلش؟

هل تدركون كيف هي الحياة في مجتمع يجعل المرأة تدعو الله أن تنجب ولدًا كي ترضى زوجها وأمها وحماها وأخت جوزها، كي لا تضطر لخوض تجربة الحمل والولادة مره ثالثة ورابعة؟

بالتأكيد عرفتم الإجابة، فأنا أريد وأتمنى وأحلم، بل وأدعو الله كل يوم قبل أن أنام أن أصبح رجلًا، أو على الأقل أدخل ذلك العالم وأسكن مثل هذا الجسد، ولو لبضعة ساعات، لألقي نظرة عن قرب (ياريت دماغكوا متروحش بعيد) فرحتي ستكون فقط بين القلب والعقل..

كثيرا ما تساءلت كيف يعمل قلب الرجل، وكيف يستخدم عقله؟ هل هذه المجموعة من الشرايين والصمامات لها أي دور آخر سوى ضخ الدم؟ كيف يتمتع قلب الرجل بتلك المطاطية الكاملة، لدرجة تجعله يستطيع أن يدخل في كل تلك العلاقات في آن واحد؟ وهذا الكم الهائل من الخلايا والأعصاب في عقله، كيف يرى المرأة؟ وكيف يستطيع أن يحيا وسط كل هذه التناقضات، بل ويكون جزء لا يتجزأ منها؟ لدرجة جعلتني أعتقد أن الله قد خلق الرجل وزوده (بإنترولوب) خاص، يجعله يحمل كل هذه التناقضات فتجعله -على سبيل المثال لا الحصر- يرفض لفتاته أن تدخن السجائر أو الشيشة، إلا وهي بصحبته فقط.. يمنعها من أصدقاء المدرسة وزملاء العمل الرجال، بينما يخرج هو مع (شلة الشغل) المليئة بالبنات مرة على الأقل كل شهر.. يطلب منها أن تتعبد في محرابه ويكون هو كل أولوياتها واهتمامها، بينما تكون هي أحد اهتماماته، فتقف في طابور طويل معها الأصدقاء والعمل والسيارة وطلعات الصيد في العين السخنة .. و.. و..

ولكن من ناحية أخرى، فالحياة في جسد رجل هي متعة تستحق التجربة!

يا إلهي!، ما أسهل أن تحيا في جسد رجل: فتأكل كما يحلو لك دون أن يهتم أحد لجسدك، بل على العكس يكون الكرش إحدى مميزاتك ومدعاة فخرك، فتقوم بتسميته ويقوم أصدقاؤك بتدليله، وعلى النساء أن تنظر إلى داخلك، فروح الإنسان هي الأبقى، وقال ياواخذ القرود..

تضحك وتتكلم بصوت عالٍ، كما يحلو لك وفي أي مكان، ثم تلتفت وتنظر شذراً إلى تلك الفتاة التي انفلتت منها ضحكة عالية..

تعمل (بيبي) في الشارع، ثم تركب سيارتك وتقرر أن تلك التي ترتدي بلوزة بدون أكمام تستحق المعاكسة (ماهي اللي عايزة كده، مش مبينة دراعاتها؟)..

تدخل في العشرات بل والمئات من العلاقات، وحينها تقترب من الثلاثين وتضطر أنك تجيها زيرو عشان تداري الصلعة، تجري إلى حجر الست الوالدة وتطلب منها أن تبحث لك عن واحدة بنت ناس..

حقاً ما أجمل أن تكون رجلاً في مجتمع مريض متناقض، يصنف الخطأ على حسب الفاعل وليس الفعل، مجتمع عاجز ضعيف، حينها يفشل في مواجهة الأزمة يسرع بالقاء اللوم على المرأة (الحبيطة المائلة)، ثم معاودة الأنتخه والشخير مرة أخرى.. هل فهمتم الآن لماذا أتمنى وأحلم كل يوم أن أتحوّل إلى رجل؟ لأنني محبوسة في جسدي، وجسدي بدوره محبوس في مجتمع متخلف ذكوري بحت، مجتمع دائماً ما تكون الفتاة فيه (هي اللي أكلت الجبنة)..

كهن بنات

البنات ليه بتتفسن من بعض! إجابة هذا السؤال لم يتوصل إليها العلم الحديث حتى الآن، فأكيد مش أنا اللي هجاوب عليه..

لكن السؤال المنطقي اللي المفروض تسأله، يعني إيه كهن بنات؟ بص يا سيدي بصي يا ستي.. الكهن هو:

- تلاقى البنت من دول بعدت عن صاحبها فجأة، وتلاقى بروفایلها اتحول إلى بررفايل مؤمن، فيه صورة مكتوب عليها (قل أعوذ برب الفلق) أو صورة شبشب وخلفية زرقاء اللون ومكتوب تحتها (عضة أسد ولا نظرة حسد) أول ما تشوف كل ده أعرف أن البنت دي اتخطبت، وخايفة من صحابها يحسدوها والعريس يطير - كهن بنات.

- تلاقى البنت بتسأل صاحبها إنتي جايبه شنتك منين؟ تتفاجأ

بالإجابة: دي من محل في شرق الصومال الغربية المتحدة، وكنت جايابها من ٧٠ سنة وشهرين و٣ دقائق، وبعد ما جبتها صاحب المحل مات والمحل قفل، وربنا خسف بمحلات الشنط كلها الأرض، والمصنع اللي أنتج الشنطة أعلن إفلاسه وصاحبه دخل السجن وعياله رافعين قضية حجر عليه - كهن بنات.

- لو بنت قالت على بنت تانية حلوة، تيجي صاحبها وتقول لها: حلوة! دي عادية جدًا يعني، أنا لو حطيت اللي هي حطاه ولبست اللي هي لابساه وعملت العمائل اللي هي عاملاها في نفسها هابقي أحلى، دي حاطة كيلو مكياج، أمال إيه اللي في وشك ده؟، ده انا مش حاطة غير كريم أساس وبودرة وآي شادو وكحل وماسكرا وبلاشر وروج ولابسة عدسات بس، لكن هي بصي حاطة إيه - كهن بنات.

- البنت لو لقت حد لابس هدوم زي بتاعتها بيبقى تعليقها: إنتي جبتي الطقم ده؟ آه حلو عليكى، أنا لما لقيت الطقم لم وكل الناس بتلبسه ودينه جُمعية.. علشان الغلابة، بس هو مطخنك شوية - كهن بنات.

- البنت من دول صوتها يبقى زي عبد الغفور البرعي مع صاحباتها وأول ما ييجي أي صنف مذكر، تتنحج وتتبتدي تتقمص شخصية ماجدة الصباحي وهي بتكلم عمو عزيز - كهن بنات.

- البنت من دول عندها رجليها تتكسر ولا يتكسر لهاش ضوفر، تدخل في مرحلة انتكاسة وتتصل بصاحباتها ويبقى حديث الساعة، أحط مونكير إزاي يا ناس - كهن بنات.

- إحنا عندنا خدامة / مابعرفش أطبخ / أنا أنضف البيت!، معلومة وأخبار تُذكر بدون مناسبة في أحاديث البنات ولو عملت عليها كبسة في

بيتها هتلاقي نفسك قدام سيدة في نحن لا نزرع الشو، وأما دلال واقفة
نعذبها - كهن بنات.

- تلاقيها دايماً خايفة من الحسد، خايفه تقول إنها نجحت، اتخطبت،
انجوزت، خلقت، بقي عندها ٤ عيون و٣ مناخير، وكان هي الوحيدة في
الكون اللي حصل لها كده.

ونرجع للسؤال ونحاول نلاقي له إجابة.. لية البنات بتنفسن من
بعض؟ آخر ما توصلت إليه أبحاثي لأنهم فاقسين بعض، فاقسين النضارة
أم ٣٠ جنيه، والبرفان التركيب اللي نصه زيت، فاهمين إنها واخدة بالها
قوي أن البدي مرفوع وهي اللي عامله نفسها مش واخدة بالها، فاهمين أن
صوتها بيخشن وينعم حسب اللي قدامها ذكرًا كان أم أنثى، فاهمين أن كل
بنت عندها جهاز سكاثر في عنيا وأجهزة مسح ضوئي، يعني بيحبوا
بعض من فوق لتحت في أقل من الثانية، بصة البنات دي لازم تُدرس
في الجامعات، فاهمين إنها ماتعرفش الفرق بين شوربة المشروم وسلطة
الطحينة، فاهمين أن اسمها (طحينة) مش (دحينة)، فاهمين إنهم بيمثلوا
على بعض، فاهمين إنهم بيتنافسوا على مين الأحلى، بس مش بيتنافسوا على
مين الأشطر، مين الأقدر على التغيير، مين اللي ليها رسالة تقدر تقدمها،
مين اللي ليها هدف وبتحارب علشانها، مش مجرد واحدة هدفها في الحياة
إنها تستلقلها عريس، البنات الموهوبات في مجتمعنا قلة قليلة للأسف.

إيه ده! ده أنا بنت! قطعوا الورقتين دول وكأني ماكتبش حاجة.

شكرًا لكل من الكاتبات الرائعات.. على مشاركاتهن المبهجة

- منار كيشك.

- شياء المارية.

- هدير مجدي.

- آيه علي.

- آيه عنتر.

- نداء الحلوجي.

- أمل السيد.



المقام

السؤال الأكثر جدلاً

في مصر الجديدة وبيانكي ومدينة نصر والعشوائيات

الستات عايزة إيه؟

وببساطه شديده الأمر غير مهير تماما وأجبنا عنه

في هذا الكتاب الستات عايزه

(أول حايه سالين بحو بيكوهه صافه كتبه

ملا كمن زود في اكلنا كنه بكناره كل ما نبيج نبيك لول ازنه

اخر طاهر الدنيا هي والسامه صول ما اكله الشربع

كلا كنه صرنا في اكلنا كنه

بس بسيطة خالص شفتوا ازاى

ما نبيجو نفرا الكتاب